

دون حذف الرقابة



حسن ومرقص

يوسف معاطى

حسن ومرقص

good news group
Film & Music
تقديم

FAYROUZ2006
www.dvd4arab.com

يُوزِفْ معاطى

تألِيف

رامي إمام


إخراج

مُونتاج: نبيل صبيحى | مُصَوِّب: عادل المغربي | مُوسيقى: تامر حسني | مُدبلج: عبد العزيز

الإشراف على الإنتاج: أحمد عبد العزيز | منتج: محمد عمرو المصيلى

الإنتاج: جورج ديموز | دور المعلم: أشرف مصطفى | دور أمير: عادل إدريس

دور أمير: أوسكار - الممثل: ناهد الصبان



حسن ومرقص

حسن و مرحوم

يوسف معاطى

الدار المصرية اللبنانية

إهداء

إلى كل من يرفض التعايش بين الهلال والصليب على أرض هذا الوطن..

أقول لهم كما قال بديع خيري وسيد درويش في عشرينات القرن الماضي :

لا تقوللي مسيحي ولا مسلم
يا شيخ اتعلم
دهلللى أو طانهم تجمعهم
عمر الأديان ماتفرقهم

سـ
لـ

نهاد حرس بائع الوزير
أدى حبه رقصه
نه شوار طبل وشارة
دبلة جميل
وشوهه بالإبداع
عادل امام

مقدمة

ماذا أكتب عن يوسف معاطى ؟

ذلك هو السؤال الذى ظل يدق أبواب عقلى بقوة منذ أن شرفنى بطلب كتابة هذه السطور .

هل أكتب عن يوسف الكاتب الصحفى ، أم الشاعر السرى ، أم مذيع نشرة الأخبار بالإنجليزية ، أم مقدم برامج الحوار ، أم الإذاعى الساخر ، أم المؤلف المسرحى ، أم عاشق السينما الإيطالية ، أم دارس علم المفارقات الكوميدية فى روما ، أم المرشد السياحى المتყادع ، أم السيناريست السينمائى ، أم المولع بالدراما التليفزيونية ؟

هل أكتب عن نديم الكبار وصديق العمالقة ، ومحترف تدخين الشيشة ، وصعلوك المقاهى ، ولورد السفر حول العالم ، والحبيب المخلص ، والأب الولهان بصفيرته ، والصديق الوفى الذى تجده عند الشدائى ؟

هل أكتب عنمن جاء بأكبر صندوق للمتفجرات من أجل نسف سقف الأحلام وانضم إلى حزب المجانين الذين يؤمنون بأن الإنسان ذكى حتى يثبت غباوه ؟
هل أكتب عن ذلك الطفل الكبير البرء ، ذلك الحكيم الأربعينى الذى يعيش بقلب ليوناردو دى كابريو ، وحكمة زكى نجيب محمود ، وفطرية بديع خيرى ، وصعلكة محمود السعدنى ، ونقاء الأم تريزا ؟

هل أكتب عن مسرحه أم تليفزيونه ، أم ما قدم على الشاشة الكبيرة ، أم ما شاهدناه على مسرح الحياة ، أم ما نقرأ له على ورق الصحف ؟
سوف أكتب عن أمر واحد لا ثانى له !

سوف أكتب عن « مجموعة إنسان » ، عن « مؤسسة متنقلة » عن « كتلة جنون ممزوجة بالحكمة » عن كرة « حزن دقيق تتدحرج وتكبر بالضحكات » .

إنها حالة فريدة فى زمن يودع الصدق ويستقبل الأدعىاء بالأحسان .
حالة يوسف معاطى ، حالة نادرة ، ظهر وتبلور فى قمة نضوجها

الفنى فى « نص حسن ومرقص » الذى بين أيديكم ، والذى يكفينى أن أقول إنه نص يسبق زمانه .

إن نص السيناريو الذى بين أيديكم يتصدى لقضية القضايا ، ومسألة المسائل الخاصة بماضى وحاضر ومستقبل مصر، تلك هى مسألة الوحدة الوطنية . إننا فى عصر الفتنة الدينية والتعصبات المذهبية ومشروعات عودة ولادة الفقيه .. ندرك أن السكين القاتل الذى يمكن أن يشق صدر وطننا الحبيب هو سكين إثارة الفرقة بين المسلمين والمسيحيين .

من الممكن لشعب مصر الصبور أن يتحمل بعض الفوارق بين الطبقات ، ومن الممكن أن يتعامل مع سوء بعض الخدمات ، لكن الأمر الوحيد المؤكد الذى أثبتته التاريخ أنه من غير الممكن أن يتعايش مع شرخ فى العلاقة بين مسلميه ومسيحييه .

إن الأسلوب الذى عالج به كاتبنا هذه المسألة هو أسلوب شديد الإنسانية، يتتجنب المباشرة الساذجة ، ويدخل بعمق فى أدق تفاصيل أزمة التعايش مع الآخر تحت سقف الوطن الواحد ، ورغم صعوبة وخطورة الموضوع وحساسيته المفرطة ، إلا أن كاتبنا سار على خط الصراط المستقيم المشدود فوق آتون الطائفية البغيضة ، ونجح فى أن يوصل رسالة الفيلم المستنيرة بفهم وسلام . ولم يفقد كاتبنا ملكته فى التعامل مع مسألة شديدة الخطورة والجدية بأسلوب كوميدى وذكى وراقٍ ، يجعلك تمارس القهقهة حتى تستلقى (لامؤاخذة) على قفاك .

اسمحوا لي أن أقدم لكم ... صديقى يوسف معاطى



منظر عام للقاهرة .

قبل أن يستيقظ المصريون من نومهم .

القاهرة وقد بدأت تستيقظ .

عربة فول في أحد التواصى وقد التف حولها
الزبائن ليفطروا .

أطباق الفول بالزيت تنزل أمام أحدهم يأكل
بنهم .

تبعد على وجهه زبيبة الصلاة .

يبحث عن بصلة .

يعطيها له الواقف يأكل بجواره الذي تلمح
الصليب مدقوقاً على يده يأخذها منه الرجل
المسلم ويدشها ثم يأكلها .

قطع



نرى بولس وجرجس داخل الكنيسة وحدهما
وكانهما كانا يصليان في الكنيسة مبكراً جداً .

نسمع صوت الترانيم المسيحية في الخلفية كما
نرى جو الكنيسة الديني والأيقونات المسيحية
على الجدران .

بولس يرتدى زى الواقع عباءة سوداء وصليب
كبير ولا يلبس عمامة .. أما جرجس فيرتدى
ملابس عادية تناسب سنه .
بولس يبدأ فى ترنيمة يتغنى بها .
يتغنى بها .
يتغنى بها .
يتغنى بها .

بولس : اللهم ارحمنى فإنى خاطى .
جرجس : اللهم ارحمنى فإنى خاطى .
بولس : يا ملك السلام أعطينا سلامك ..
قرر لنا سلامك .
جرجس : واغفر لنا خطايانا .
بولس : المرضى اشفيهم والحزانى عزيهم .
جرجس : والذين هى الشدائى يا ربى أعنهم .
قطع



بولس وجرجس فى السيارة .. بولس يقود السيارة .

بولس يردد بعض جمل من الإنجيل التى تحت على الالتزام .

جرجس يرددتها وراءه قبل أن ينتهى بولس تمر سيارة بها فتاة جميلة ترتدى بلوزة بحمالات وشعرها يطير للخلف فى أنوثة فياضة .

جرجس ينظر نحوها بإعجاب وقد نسى ما كان ي قوله بولس .

بولس يضربه (مداعبًا إيه) .. ويكرر الجملة . جرجس خائفًا يكررها وراءه بسرعة .

بولس ينتهى من الأدعية المسيحية .. ويربت على شعر جرجس .

بولس : من نظر إلى امرأة واشتهاها فقد زنا بها .

جرجس : فقد زنا بها .

بولس : امرأة فاضلة من يجدها قيمتها تفوق الالئ .

جرجس : تفوق الالئ .

بولس : تفوق الالئ .

جرجس : الالئ .

بولس : كبرت يا جرجس .. ياللا خلص الجامعة السنة دى عشان أنا حاطط لك عينى على واحدة لولفيت الدنيا مش حتلاقى زيها .

جرجس : مين؟!

بولس : جانيت بنت وليم شحاته!

جرجس : رفيعة!

بولس : إنت عاوزها تخينة يا جرجس؟

جرجس : اللي تشووفه يا بابا!

بولس : الجواز يا جرجس يابنى رباط مقدس أبدى .. ما يجمعه الله لا يفرقه إنسان .. وجانيت دى هى اللي ترتاح لها طول عمرك .. الرفيعة مرور بنات .

بتتخن .. والتخينة بترفع والحلوة بتتوحش ..
السلام النفسي اللي بينكو والمحبة هي اللي
بتدوم.

تمر فتاة جميلة في سيارة أخرى .
جرجس ينظر نحوها .

جرجس : أصلها يا بابا حولة شوية!
بولس : يابنى إنت بتدقق في حاجات غريبة ..
إنت فاكر إنك لما تتجوزها ح تقدر تبص في
عينيها طول عمرك .. الحاجات دي بتدور مع
الوقت وبالعشرة عينيكوا ح تطبع على بعض .
جرجس : يا بابا دى طول القعدة امبارح بتكلم
حضرتك وعينيها ضاربة على أنا .

بولس : ده أكبر دليل إنها بتحبك يا جرجس
يابنى .

جرجس : بصراحة يا بابا أصلها كمان هبلة
شوية!

بولس : يابنى إنت ما شفتش أمك يوم ما
اتجوزتها .. الجواز بيعقل!

جرجس : مناخيرها طويلة كمان يا بابا .
بولس : وإن إيه اللي دخل الجواز في المناخير ..
في مناخيرها يا جرجس .

جرجس : مش ح أتجوزها يا بابا .
بولس : وإيه اللي دخل الجواز في المناخير ..
إنت ما شفتش مناخير أمك يوم ما اتجوزتها ..
زلومة فيل .. إنما بالعشرة والأيام

جرجس : وهيه المناخير بتصرف بعد الجواز
يا بابا .

تفتح الإشارة وتمضي السيارة .

يقاطعه .

يضحكان معًا في براءة وعدوته .

قطع



نرى الشيخ محمود في الجامع يوم المصلين في
صلاة الظهر وخلفه عدد من المصلين .
يختتم الصلاة .

محمود : السلام عليكم ورحمة الله وبركاته .
السلام عليكم ورحمة الله وبركاته .

يبدأ محمود في أدعية دينية جذابة ورائعة .

اللهم لا تدع لنا ذنباً إلا غفرته ولا عيباً إلا سترته
ولا هماً إلا فرجته ولا ديناً إلا قضيته ولا حاجة
من حوائج الدنيا والآخرة هي لك رضا ولنا
صلاح إلا قضيتها يا أرحم الراحمين .

قطع



فى خروج الشيخ محمود من الجامع نرى محل العطارة الخاص به أمام الجامع .

محل الشيخ محمود سيف الدين للعطارة والأعشاب الطبيعية .

عبد الهادى مبتسمًا فى خجل يخرج ورقة من جيبه .

محمود يقرأ الورقة .

صوت القرآن منبعثًا من داخل المحل .

الشيخ محمود جالسًا بالجلباب الأبيض والطاقية والعباءة .

يتكلم مع رجل مُسن .. عبد الهادى يأخذ منه بضاعة من المحل .. يُفهم منها أنها وصفة لزيادة القوة الجنسية .. لافتة وراءه (لا يصلح العطار ما أفسده الدهر) .

محمود : اختشى يا عبد الهادى .. اتهـد .. جوزة الطيب وحجر النار .. دى خامس جوازة يا عبد الهادى .

عبد الهادى : مش أحسن ما أمشى فى الطريق البطل يا شيخ محمود!

محمود : إنت قادر تقف على حيلك يا عبد الهادى ، والعروسه بأه عندها كام سنة؟

عبد الهادى : 25 سنة .

محمود : الله يرحمك ويحسن إليك يا عبد الهادى .. وأدى من عندى وقتين بنُ .

عبد الهادى : بُن .. ليه !
محمود : عشان العزا بتاعك ! الخرجة بعد
الدخلة علطول .

يشير للافتة (لا يصلح العطار ما أفسده
إنت ما بتقراش !).

عبد الهادى : يا شيخ محمود ما تفولش علياً
.. ده بدارل ما تدعيلى دعوة حلوة من دعاويك
المستجابة !

محمود : أقولك إيه ؟ ربنا ينفع فى صورتك
يا عم عبد الهادى .

عبد الهادى : أهو كفاية دعوتك دى يا راجل
يا صالح يا طيب !

يدخل رجل قبيح الوجه .. يشبه العفاريت ..
شعره طويل ومنكوش .
صارخاً .
مرعوباً .

الرجل : سلام علىكم .

محمود : وعليكم السلام .

الرجل : أنا جايلك من آخر الدنيا مخصوص
.. ناس قالولى عليك يا راجل يا طيب .. مش
الشيخ محمود سيف الدين برضه .

محمود : أيوه !

الرجل : بأه أنا مراتى عليها عفريت ، وقالوا لى
إنك بعون الله تقدر تصرفه .

محمود : طيب انصرف .. انصرف إنت من
قدامى عفاريت إيه بس ! .. ما عفريت إلا بنى آدم
ياراجل !

أهه .. أهم جم اللي مش حنعرف نصرفهم .

محمود ينظر له مفتاظاً .

تقف سيارة بوكس .

ينزل الضابط محسن وهو فى نهاية الثلاثينيات
برتبة مقدم .

الضابط : عاوزينك فى كلمة يا شيخ محمود .

محمود : خير يا محسن بييه !

الضابط : أخوك أسامة فين ؟!

محمود : والله ما أعرف يا محسن بيه .

الضابط : إحنا عارفين إنك راجل طيب

ومحترم .. ما لكش دعوة ب حاجة .. إنما إحنا

بنبلفك أهوه .. أخوك لو اتصل بيك تقوله يرجع

عن الطريق اللي ماشى فيه .. انسجه ياشيخ

محمود .. وقوله إن دى آخر فرصة ح نديهاله .

محمود : حاضر .. حاضر يا باشا .. اتفضلاوا

اشربوا حاجة .

يركبون البوكس .. ومحمود ينظر فى أثراهم .

قطع



إجراءات أمنية مشددة تحيط بمبني ضخم ،
ونرى سيارات البوليس ورجال الأمن المركزي
يحيطون بالمبني في حملة تأهب قصوى .
ترتفع الكاميرا لتهدر لنا لافتة .. «المؤتمر
الحادي والخمسون للوحدة الوطنية». .
نرى الشيوخ يدخلون والقساوسة عبر البوابات
الإلكترونية .

المراسل : ويؤكد المؤتمر السنوي الحادى
والخمسون للوحدة الوطنية المتبادلة بين
المسلمين والمسيحيين على أرض الهلال
والصلب .

ثم نرى في جانب من الشارع أحد المراسلين
لقناة إخبارية وهو يقدم التقرير على الهواء .
نرى اثنين من القسسين يمشيان معاً .. أحدهما
يكلم الآخر هاماً :

قس 1 : مؤتمرات إيه يا لوقا .. إحنا لو قعدنا
ميت سنة في البلد دي مش حناخد حقنا .. آهو
.. لا عارفين نبني كنائس ولا حتى نصلح دورة
مياه في كنيسة من غير تصريح يأخذ له سنة !

قس 2 : هوه كدة بس .. إلا ما فيه حد من ولادنا
يتعين في مناصب في الدولة . قوللى كام وزير
مسيحي في الحكومة !

قس 1 : بوس وأحضان وقرارات ومؤتمرات
واللى في القلب في القلب يا كنيسة !

اثنان من المشايخ يعبران الطريق إلى مدخل
المؤتمر يتهمسان .

شيخ 1 : يا شيخ جاد .. مضطهدين إيه ؟

ده إحنا اللي مضطهدين .. كل ما بنبنى جامع بيبنوا
كنيسة قدامه .. تلات أربع فلوس البلد معاهم ..
هما سايبيين حاجة ما بيشتغلوش فيها !

شيخ 2 : إشى مدیرین البنوك على رؤساء
مجالس لإدارات الشركات الاستثمارية الكبيرة
كلهم مسيحيين !

شيخ 1 : قعدوا يقولوا عيادنا مش أجازة ..
لحد ما بأت أعيادهم كلها أجازات على أعيادنا
إحنا كمان ومحدش بأه بيشتغل في البلد دي ..
مقضينها أجازات !

يدخلان إلى قاعة المؤتمر .

قطع



مشهد : 6

نهار / داخلي

قاعة المؤتمر

الشيخ : ولقد حثنا الحنيف على المعاملة الحسنة مع الإخوة المسيحيين وإنى لأرى مشاعر الحب والإخاء التى تجمع بيننا وبينهم قد بلغت أوجها وقمتها .. أما المتطرفون والإرهابيون الذين يسيئون بأفعالهم إلى الأمة الإسلامية وإلى الدين الإسلامي فهم ليسوا من الإسلام فى شيء والإسلام بريء منهم براءة الذئب من دم ابن يعقوب .

الجميع : يحيا الهلال مع الصليب .. يحيا الهلال مع الصليب .

الشيخ : وأنتر الكلمة لآخر بولس الواعظ الشهير وأستاذ اللاهوت .

بولس : باسم الآب والابن والروح القدس إله واحد آمين .. نحن نشكر رب الذى منحنا هذا البلد الآمن لنعيش فيه جنباً إلى جنب متحابين متآخين متجاورين مسيحيين، ومسلمين .

إن البذرة التى فى الأرض والتى تطرح ثمراً طيباً نأكله .. لا تعرف أكانت اليد التى غرستها يد مسلمة أم يد مسيحية .. إن بعض المسيحيين الذين يثيرون الفتنة والضيق بين عنصرى الأمة ليسوا مسيحيين وليسوا مصريين وإنما هم أعداء الكنيسة وأعداء الوطن .

أحد الشيوخ يتكلم على المنصة .

تصفيق حاد والجميع يومئون برؤوسهم .

نرى الأربعـة القسس والشـيوخ يهتفـون ..

ثم يتعانـقـون بعد الـهـتـافـ وقد تـشـابـكـتـ أيـديـهـمـ .

الأنـبا بـولـسـ يـطـلـعـ بـيـنـ الصـفـوـفـ مـبـتـسـماـ فـيـ طـيـبةـ ،

ثـمـ يـقـفـ عـلـىـ الـبـوريـومـ .

تصفيق حاد .. نرى جرجس بن بولس واقفاً فى آخر القاعة .. وقد شعر بالقلق وبولس مستمراً فى خطبته .

قطع



بولس فى سيارته وابنه جرجس يقود السيارة
وبولس يقرأ فى الإنجيل .

جرجس : إيه اللي إنت قولته ده يا بابا .. تانى
.. مش قولنا مالناش دعوة بالناس دول .

بولس : أنا قلت اللي أنا مؤمن بيها يا جرجس
يا بنى .

جرجس : الجماعة اللي ضدك دول مش سهلين ،
ولا يمكن حيسكتواع الكلام اللي إنت قلته ده .

بولس : حيعملوا إيه يعني .. حيقتلوني !

جرجس وقد بدا قلقاً للغاية .

بولس يبتسم .
ثقة .

بولس : إنت خايف على أبوك يا جرجس يا بنى !
ما تخافش .. يسوع يحمينى .. إيه الصوت ده ؟

جرجس : مش عارف .. ده صوت أول مرة
أسمعه فى العربية .. أنا مش مرتاح يا بوبى .

ينزلان مسرعين .

السيارة تتفجر ، ونرى بولس وجرجس على
الرصيف ، وقد احترقت ملابسهما ، وهما فى
قمة الذهول لما حدث !

بولس ينظر لابنه وهو لا يصدق أنه نجا هو وابنه !

بولس : أنا مش قلت لك يسوع يحمينا !

قطع



عزاء المرحوم أسامة سيف الدين .. نرى بالعزاء
عدد من المعزين .. وبعض الملتحين .. ثم نرى
الشيخ محمود سيف الدين (ملتحى) واقفاً للتلاوة
العزاء .. المقرئ يختتم السورة .
والناس تخرج .

اثنان من الملتحين لا يخرجان (عمر و خالد) .

المقرئ : صدق الله العظيم .. الفاتحة!
عمر : البقاء لله يا أخ محمود .
محمود : الحمد لله على كل شيء .
خالد : كُنا عاززين نتكلم معك كلمتين يا أخ
محمود .
محمود : افضلوا .
عمر : أنا الشيخ عمر سند وده الشيخ خالد عبد
الجبار ، كان المرحوم أخوك بالنسبة لنا هو
القائد والمعلم !
محمود : الله يرحمه ويحسن إليه !
عمر : ما هو عشان تجوز عليه الرحمة لازم
تواصل الجهاد اللي بدأه الشيخ أسامة ، وتكمل
كافاهه لنصر الإسلام .
محمود : إنت تقصد إيه ؟
عمر : الشيخ أسامة كان أمير الجماعة.. وهو
أوصى لك بالإمارة من بعده .
محمود : يا شيخ عمر .. أنا راجل مؤمن وعارف
ربنا .. وباصل فروضه وباصوم .. إنما أنا ما أحبس
يكون لي انتماء لجماعة دينية .

خالد : ما تحبش .. ده فرض عليك يا شيخ
محمود .. هو ده فيه أحب وما أحبش .!. وبعدين
رفضك ده ممكن يُحدث فتنـة بين الإخوة فى
الجماعة .. إحنا عازين الإمارة تنتقل بشكل
سلمى من غير مشاكل !

محمود : يا شيخ خالد .. أنا ما كنتش عضوفـى
الجماعة من الأساس عشان أبقى أميرها .. وأنا
ياما نصحت أخويا الله يرحمـه .. إنما هو اختار
طريقـه ده .. وآدى النـتيجة .

عمر : مالـها النـتيجة .. هو فيه أحسن من كده
.. مات شهيداً :

(ولا تحسـبـنـ الذين قـتـلـوا فيـ سـبـيلـ اللهـ أـمـوـاتـاـ بلـ
أـحـيـاءـ عـنـدـ رـبـهـمـ يـرـزـقـونـ) . (آل عمران : 169)
مـحمدـ : سـعـيـكـمـ مشـكـورـ ياـ إـخـوانـاـ !

مـحمدـ يـقـفـ لـإـنـهـاءـ المـقـابـلـةـ .
يـنـظـرـانـ نـحـوهـ بـضـيقـ .

قطع



بعد الدعاء يرفع المصالية ويقوم .. يخلعان
الحجاب داخل البيت طبعاً .

زينب : حرماً يا حاج !

محمود : جمعاً إن شاء الله يا زينب .

**فاطمة : بابا .. إنت ما ينفعش تسكت على اللي
بيحصل ده .. دول كده بيهددوك رسمي .. إنت
لازم تبلغ عنهم .. هما دول اللي ضيعوا عمى
أسامة .. وعاوزين يضيعوك .**

**محمود : أنا قلت لهم قرارى الأخير يا فاطمة !
زينب : وهما يعني سكتوا .. مش كل يوم والتنانى
يجولك المحل !**

**محمود : ما تخافوش .. ربنا حليم ستار .. اللي
يعمله ربنا هوه اللي يكون .. فين بوسة بابا !
هى فاطمة بس اللي بتحبني فى البيت ده ولا إيه ؟!**

أحدهم : إحنا عاوزين نتكلم معاك ياشيخ محمود !

محمود : أنا قلت اللي عندى يا إخوانا !

فاطمة تتعلق برقبته .. وتقبله وتقبلها بحنان بالغ .

فاطمة تدفع أمها لتقبيل أبيها .
يطرق الباب فجأة .

زينب وفاطمة تجريان إلى الداخل ترتديان
الحجاب .

يفتح الباب ليجد أمامه الأربعة بذوقون والذى
التقى بهم فى العزاء .

هنا يجب أن تظهر لنا اللقطات الفرق بين
سماحة وجه محمود ووجوه الآخرين ، ويفغلق
الباب فى صفعة مدوية .

قطع



نرى آثار الخراب بعد انفجار المحل .

وعربات الأمن المركزى وزحام فى الشارع ..

ومحمود يمسح دموعه بتأثر مما حدث وبجواره
ابنته فاطمة .

زينب تربت عليه .

محمود : (قل لن يصيّبنا إلا ما كتب الله لنا) ..

(التوبة : 51) .

زينب : ربنا يعوض عليك يا محمود .. إنت طول
عمرك راجل طيب وعمرك ما عملت حاجة وحشة
في حد .

محسن : بتهم مين يا شيخ محمود .

محمود : حسبي الله ونعم الوكيل .

فاطمة : لا يا فندم .. إحنا عارفين مين اللي
عملوا كده .. ولازم تتكلّم يا بابا !

محمود : اسكنى .. اسكنى يا فاطمة !

زينب : إحنا بقالنا شهر عايشين في رب يا فندم !

فاطمة : إحنا مهددين .. ولازم تشوغلونا حل
لازم تحمونا !

محسن : نحميكوا من مين ؟!

اقضل يا باشا ؟!

مختار : أحكيلي إيه اللي حصل بالضبط
يا شيخ محمود ؟!

الضابط محسن قادماً وخلفه عدد من الضباط .

سيارة تقف وينزل منها اللواء مختار ..

الضابط محسن يقوم في احترام ويقدم نحوه .

قطع



ماتيلدا : نسافر .. نسافر أمريكا يا بولس .. أنا مش قادرة أتمالك أعصابي .. لو عيل رمى بومبة في الشارع باتجذن .. لو عجلة فرقعت باتفزع .. باموت .. أنا حاسة إنى ح انضرب بالنار فى أى لحظة .. أى صوت جنبى بيبلشنى ١٠٠ ..
باسم الصليب .

بولس : أيه .. لا .. نشكر ربنا يا وليم .. أنا كويس .. محصليش أى حاجة .. ربنا حاميينا يا وليم .

جرجس : يا بابا أنا شايف إن كلام ماما مضبوط .. إحنا لازم نسيب البلد دولقت حالاً .. وآهـى فرصة نخلص من جانيت بنت وليم شحاته .

بولس : عاوزين تساخروا .. عاوزة تسيبى مصر يا ماتيلدا .. تهون عليكى .. مصر يا ماتيلدا اللي مهما قسيت علينا فى الآخر بتفتح لينا دراعاتها وتأخذنا فى حضنها .. تقدر يا جرجس بعد عن أمك .

بولس : أنا كمان ماقدرش أبعد عن مصر .. ده العدرا والمسيح لما هربوا جم لأرض مصر .. أقوم أنا أسيبها .. أنا بحب البلد دى قوى ولو خرجت منها ح أموت .

ماتيلدا : ولو قعدنا فيها ح نموت يا بولس .

ماتيلدا زوجة بولس فى قمة الرعب وجرجس أيضاً .

يرن التليفون .. ماتيلدا تفزع .
بولس يرد .

يضع السماعة .

جرجس مطرقاً فى صمت .

بولس : ومين قالك إن إحنا هناك ح نكون في
أمان يا ماتيالدا .. مش يمكن هناك يكون الخطر
أكبر وإن اللي إحنا خايفين منه ده نلاقى نفسنا
رايحين له برجلينا !

بولس : مين؟!

جرس الباب .. الثلاثة يفزعون .

صوت : افتح يا أستاذ بولس .. أنا اللواء مختار
سالم من أمن الدولة .

مختار : أولاً قرار السفر لأمريكا قرار خاطئ
فى التوقيت ده بالذات .

بولس يفتح الباب ويدخل اللواء مباشرة وكأنه
كان يكمل كلامه .

مختار يوجه كلامه لماتيالدا .


بولس : الله إنتو كنتموا بتسمعونا كل ده !
مختار : ومع ذلك إنتوا لازم تختفوا تماماً لمدة
ست سبع شهور على الأقل فى مكان آمن تماماً .
جرجس : نروح العراق .. المشاكل كلها هناك
بين الشيعة والسنّة .. إحنا بره الليلة .. على
الأقل نهرب من جانيت شحاته .

مختار : إنتوا لازم تسيبوا البيت دلوقت حالاً .

ينظرون لبعضهم بعضاً .

بولس : وح نروح فين يا سيادة اللواء ؟
مختار : إحنا لقيناكوم شقة كده بشكل مؤقت
في المنيا .

الثلاثة : فين !



قطع



اللواء داخلاً وخلفه بولس وماتيلدا وجرجس .. وقد اعتبرتهم حالة من الهم واضحة على وجوههم والحيرة .

مختار : طبعاً يا أخ بولس إنت مش حتقعد فى المنيا لا باسم بولس ولا بصفتك كرجل دين ..

بولس : أمال ح أقدر بصفتي إيه؟!

مختار : دلوقتى ح تعرف .. زمانهم طلعولكوا البطاقات بالأسماء الجديدة ، وإننا طبعاً ح نكون على اتصال بييك فى مكانك الجديد .

ماتيلدا : كان مستحبى لنا فين ده بس؟!

بولس : ما تخافيش يا ماتيلدا .. إننا فى حماية ربنا !

يدخل أحد الضباط وفى يده ملف به أوراق وبطاقات شخصية يعطيها لللواء مختار الذى يفتح البطاقة وينظر فيها .

مختار : يعطى له البطاقة الجديدة .

مختار : اسمك حسن عبد الحميد العطار .

بولس : إيه؟!

مختار : حسن عبد الحميد العطار !

بولس : أنا بقول نسافر أحسن .. مش كده يا ماتيلدا .

مختار : والمدام اسمها زينات سليمان عبد العاطى

بولس : عبد العاطى! .. والأفندى ده ح تسموه

إيه هوراخر!

مختار : عماد!

بولس : آه .. عماد يمشى كده ويمشى كده ..

واللعبة دى كلها عشان إيه؟ .. مش قادرين

تحمونا قولونا؟ .. أنا مستحيل إنى أغير اسمى

أو أعيش باسم تانى .



مختار : محدش قال ح تغير حاجة يا أستاذ

بولس .. دى فترة مؤقتة .. إنت شخصية معروفة

واخفاوك مسألة صعبة جدًا .. ولو وديناك عندك

أى حد مسيحي ح تنكشف بالتأكيد ، عشان كده

إحنا شوفنا إن الأسلم إنك تقدر الكام شهر دول

فى بيت ناس مسلمين فى حالهم .. لا يعرفوك

ولا تعرفهم، وعموماً إنت لو ما استريحتش هناك

إحنا مش سايبيتك .. إحنا معاك علطول وجانبك

.. يعني الموقف تحت السيطرة .

رد فعل على وجه بولس وابنه وزوجته وهم
لا يدرؤن ماذا يفعلون حقاً !


قطع



منظر عام لسيارة بيجو .. تمشى فى طرق زراعية داخل المنيا .. فى إحدى القرى .. بين الغيطان والأشجار .. نلمح المساجد والمآذن وصوت الأذان فى دخولهم.

قطع





بلال : أهلاً وسهلاً ياشيخ حسن .. اتفضل
يا حاج .. امبارح بالليل جانى الحاج عمران
وقاللى إنك حتس肯 عندنا .. قلت له حاضر
على راسى من فوق .. طول الليل والنهار بأه ما
سبنيش .. عمال يوصينى .. الظاهر إنك عزيز
عليه قوى ياشيخ حسن ..

جرجس : الحاج عمران مين !؟
بولس : عملك الحاج عمران يابنى!
بلال : ماشاء الله .. ابنك ده ياشيخ حسن !
بولس : آه ابنى جر....
جرجس : عماد .. عماد حسن العطار .

بلال : اتفضلوا .. شيل ياإسلام .. إسلام ابني
ده بأه آخر العنقود .. فى تانية ابتدائى .
بولس : ربنا يحافظ لك عليه ياشيخ بلال .

أمام العمارة .
يقف التاكسي .. ينزل بولس وجرجس لنكتشف
أنهما يرتديان جلاليب بيضاء .
بولس مازال بذقنه وتنزل ماتيلدا محجبة ..
يخرج الحاج بلال صاحب العمارة .

يلحقه .

كاد أن ينطلقها .

بلال يحمل حقيبة ومعه طفل فى السابعة من
عمره .. يرتدى جلباباً أبيضاً وطاقيه .

قطع



يدخلون إلى الشقة .

يضعون الحقائب .. وقد أنهكهم السفر .. جرجس يشرب من الشفشق .. وقد ظهر عليه العطش .

بلال : اتفضل يا شيخ حسن يادى النور .

بولس : متشكر يا شيخ بلال .

بلال : أسيبك على بال ما تاخد نفسك كده وتغير هدومك .. وح أعدى عليك عشان نروح مع بعض أنا وإنت وعماد نصلى العصر فى الجامع !

رد فعل على وجه بولس .. وجرجس أيضاً الذي يبخ الماء الذي كان يشربه .

الشيخ بلال يغلق الباب خلفه .. والثلاثة قد أسقط في يديهم .

ماتيلدا : ح تروحو الجامع يا بولس !

جرجس : أنا مش ح اروح يا بابا .. ويحصل اللي يحصل .. لو عرّفوا إن احنا مسيحيين ح يعملوا فيينا إيه .. لو أنا قاعد معاك في الجامع وحد عرف إن اسمى جرجس ولا لو عرفوا إن إنتم مش الشيخ حسن ح يقطعنوا حت !

مرعوبة .

ماتيلدا : باسم الصليب .

بولس : اهدوا كده .. ما تخافوش .. إحنا في حماية ربنا !

صوت بلال : افتح يا شيخ حسن .. يا ساتر ..
دستور!

بلال : حاجة بسيطة كده يا شيخ حسن على ما
قسم .. الحاجة أم إسلام بتسلم على الحاجة أم
عماد و تيجى ترحب بيها !

بولس : مالوش لازمة التعب ده يا شيخ بلال .

بلال : ده كلام برضه يا شيخ حسن ده النبي
وصى على سابع جار .. ياللا .. العصر وجب ..
ياللا ياشيخ حسن .. ياللا يا عماد !
متوضى إن شاء الله ولا ح تتوضى في المسجد ..
لا حول ولا قوة إلا بالله .. ماله عماد !

بولس : لا .. أصل عنده المروحة يا شيخ بلال ..
.. دلوقت هوح يفوق لوحده .. سيبه بس أنا معاه
أنا وأمه .

بلال : ده لازم ترقوه .. أنا ح أرقى بهولك .. باسم
الله الشافي !

بولس : خلاص .. خلاص يا شيخ بلال ..
سيبه بس أنا ح أفوقه ! سيبهولى أنا عارف بيتفوق
إزاي ؟

بلال : طيب .. أنا ح الحق العصر وآجي أطل
عليه .. سلامو عليكم .

بولس : وعليكم السلام .

قوم .. قوم يا جرجس الرجال مشى !

جرجس : ما كنتش أقدر أعمل غير كده يا بابا !

بولس : وإنك كل صلاة تجيلك المروحة كده يا
جرجس .. دول بيحصلوا خمس صلوات في اليوم
غير التراويح .

طرق على الباب .. كلهم مرتعدون ..
بولس يفتح الباب .. يدخل الشيخ بلال ومعه
صينية بها طعام مغطاة بقطعة قماش .

يضع الطعام .. هم ينظرون نحو الطعام .

عماد يسقط مغشياً عليه .

يبدأ في الرق .

يلقى رقية دينية شهيرة لإفادة المغمى عليه .

بلال يخرج .

جرجس يقوم ويجلس القرفصاء .

قطع



بلال مجتمعاً ببعض الرجال بعد الصلاة ، نرى الشيخ عثمان إمام الجامع وهو رجل مُسن ريفي تبدو عليه علامات الإيمان والطيبة الشديدة . يبدو الجامع في المنيا بسيطاً به حالة من السماحة والنورانية .

الشيخ عثمان : الشيخ حسن العطار بنفسه

يا شيخ بلال !

بلال : أيوه يا حاج .. إنت تعرفه !

الشيخ عثمان : هوه فيه حد ما يعرفش حسن

العطار .. ده عالم جليل .. ده قطب إسلامى كبير !

بلال : أنا من ساعة ما شفته وهو دخل قلبي ..

وشه سمح بشكل .. نور كده طالع من عينيه .

الشيخ عثمان : وما جاش يصلى العصر معاك

ليه يا شيخ بلال .

بلال : كان متوضى وجاي .. بس ابنه لا حول

الله عنده المروحة .. سوراً .. قلت له خليك جنبه

.. ربنا غفور رحيم .

قطع



الجميع : الله أكبر .. الله أكبر .

بلال : أنا آسف يا سيدنا الشيخ والله ما ذنبي .. الإخوة أول ما عرفوا إنك شرفت عندي حلفوا ميت يامين ما حد يديلهم الدرس إلا إنت يا مولانا !

بولس : عاوزيني أنا أدى الدرس في الجامع !

بلال : معلش .. اللي ما يعرفك يجهلك ياشيخ حسن .. عماد عامل إيه دلوقت .. مش أحسن !

بولس : عماد مين ؟!

بلال : عماد ابنك يا سيدنا الشيخ !

بولس : نشكر ربنا .. أحسن .. أحسن .

بلال : افضل .. افضل يا مولانا .

بولس : بس أصل عماد ..

بلال : حناخده معانا ونرقيه وحير ورقة هناك وحبيأه زي الفل ببركة سيدى الفولى إن شاء الله .. ياللا ياشيخ حسن .

قطع

بولس وجرجس وماطيلدا .

طرق على الباب .

بولس يفتح الباب .. ليجد وراء جرجس على السلم عدد كبير من المصليين الذين كانوا في الجامع .

رد فعل على وجهه بولس مصعوقاً ! .. وجرجس يسقط مرة ثانية .. يدخل الشيخ بلال بين الناس متأخراً .

بولس ينظر مصعوقاً إلى جرجس وماطيلدا .

بلال يحمل جرجس فوق كتفه مغمى عليه .




نرى الشيخ حسن محوطاً برجال الجامع والشيخ
عثمان ، ونرى جرجس محمولاً على كتف بلا ،
وزحام حولهما .

ثم نرى في الشباك ماتيلدا وهي تدعى لهما
بسلامة .

ماتيلدا : ربنا يحوط عليك يا بولس .. ربنا
يحافظ عليك يا جرجس .. المسيح معاكو ..
المسيح يحميكو .

قطع



جالسًا على الأرض .. والمصلين يسألونه ..
فى شبه حلقة حوله .

أحدhem : إيه حكم الدين ياشيخ حسن فى
واحد صام رمضان 30 يوم وكان فى السعودية
وبعدين رجع مصر لقى رمضان مخلصنى ..
صام .. بأه واحد وتلاتين .. راح على ليبيا لقى
رمضان لسه ما خلاش يصوم ولا لأنّ!

الشيخ بولس مرتبكًا .. يحاول التخلص من
ارتباكه .

بولس : هوه الدين قال إيه؟

يقول حديث لجسم الموضوع ويؤكد ثلاثة
يومًا.

عثمان : الرسول عليه الصلاة والسلام قال :
«صوموا لرؤيته وأفطروا لرؤيته ، فإن حالت دون غيابه
 فأكملوا ثلاثة أيام» .

بولس : أهوه .. الحلال واضح زي الشمس ..
والحرام واضح زي الشمس يا إخوانًا !

يقوم رجل أهتم بلا أسنان .

جرجس يفيق ليجد الرجل يسأل بولس في الجامع
.. يغمى عليه من الاندهاش والمفاجأة .

الرجل : وإيه حكم الشرع يا مولانا في واحد خالع
ضروسه وأسنانه كلها زي حالاتي ومركب طقم
أسنان .. ومش قادر أستعمل السواك .. أنا باكل ع
الطقم وبعدين أحطه في قزازة فيها مية وصابون ..
ناس بيقولولي حرام .. لازم وحتماً السواك عشان ده
سُنة عن النبي عليه الصلاة والسلام .

بولس : هوه الدين بيقول إيه فى الموضوع ده؟ ..
حد يرد علينا .

عثمان : الرسول عليه الصلاة والسلام قال :
«لولا أن أشق على أمتي لأمرتهم بالسوال عند كل
صلاة».

بولس : أهوه !
الرجل : أنا حلاق يا سيدنا الشيخ .. وناس جم
قالولي إن حلاقة اللحية حرام .. علقت يافطة
عندى فى المحل مننوع حلاقة اللحية .. الزبائن
انقطعت .. والمحل كان بيعمل له فى اليوم 20
أو 30 جنيه .. دلوقت بأه لو عمل عشرة جنيه
كويس .. اللي عملته ده صح ولا غلط؟!

بولس : الدين بيقول إيه يا شيخ عثمان ؟
عثمان : علماء الشافعية قالوا إن حلق اللحية
سنة .. اللي يتلزم بيها يأخذ الشواب .. واللى ما
يعملهاش ما تبأش معصية .

بولس : أهوا .. الله يفتح عليك يا شيخ عثمان .

الرجل : فيه واحد يا سيدنا الشيخ مش قادر
على مراته .. متجوز ست بعيد عن السامعين
قوية عليه .. مش عارف يأدبهها .. يعمل إيه؟!

بولس : كله موجود فى القرآن .. الآية بتقول إيه
يا شيخ بلال؟!

بولس : فعظوهن !

الرجل : ما اتعظتش؟!

بولس : وبعدين .. كمل الآية يا شيخ بلال .

بلال : واهجروهن فى المضاجع .

الرجل : محب على قلبها !

بولس : سكت ليه يا شيخ بلال .. هيه خلست
على كده .

يقوم رجل آخر .

يقوم رجل آخر نحيف جداً ويبدو عليه الهرزال .

جرجس وقد بدأ يفيق يرى أبيه يفتى في الجامع
في الحلقة .. يندهش .. مرعوباً .

مرتبكاً يدفعه للكلام .

بلال : واضربوهن !

الرجل : السـت شـديدة .. وـقوـية عـلـيـا ..
ما أـقـدرـش أـضـربـها .

بولس : اللـى زـى دـى مـش عـاوزـه فـتوـى .. دـى
عاوزـه الـنيـابة .

أحدـهم : اللـه اللـه يا مـولـانـا .. يا سـلام .. رـبـنا
يـفـتحـ عـلـيـك .

شاب : إـيه حـكمـ الدـينـ يا مـولـانـاـ فـيـ وـاحـدـ عـدـاـ سنـ
الـجـواـزـ زـىـ حـالـاتـىـ وـالـعـيـنـ بـصـيرـةـ وـالـإـيدـ قـصـرـةـ ..
أـعـمـلـ إـيهـ .. سـاعـاتـ بـيـجـونـىـ فـيـ المـنـامـ ..
وـ.. الشـيـطـانـ شـاطـرـ .. ماـ إـنـتـ كـنـتـ شـابـ وـعـارـفـ
يا سـيـدـنـاـ .

بلال : لـأ .. دـهـ بـأـهـ يـجاـوبـ عـلـيـهـ الشـيـخـ عـمـادـ ..
ماـ هـوـ شـابـ زـيـكـ .. قـولـ يا شـيـخـ عـمـادـ .

عمـاد : الدـينـ قـالـ إـيهـ ؟
عـثـمـانـ : وـاسـتـعـيـنـواـ بـالـصـبـرـ وـالـصـلاـةـ .

عمـاد : أـهـوـهـ ؟!


يـضـحـكـونـ فـيـ سـعـادـةـ .

بـخـجلـ .

يـنـظـرـ لـلـشـيـخـ عـثـمـانـ .

قطع





طرق على الباب .

بولس وعدد كبير أمام الشقة ويتأخر دخول بلال .

تدخل أم إبراهيم امرأة جميلة ترتدي حجاب يظهر شعرها .

بولس : فيه إيه يا شيخ بلال .

لال : أهل البلد جاين عاوزين ياخدوا البركة يا مولانا .. معلش .. غلابة وأنا عارف قلبك الطيب يا شيخ حسن .. خشى يا أم إبراهيم .

بولس : أم إبراهيم مين !؟

لال : دى ست غلبانة بعيد عنك يا مولانا مابتخافش .

بولس : أمال إبراهيم ده بيأه مين !؟

لال : أصلها نادرة لو جابت ولد تسميه إبراهيم .

بولس : وعاوزه مني إيه !؟

لال : تعملها حجاب وترقيها عشان ربنا يديها اللي هى عاوزاه .. تعالى .. تعالى .. خشى بوسى إيد مولانا !

بولس : لا تبوسى إيدى ولا تقرب منى .

لال : أسيبك معها بأه يا شيخ حسن .

بولس : أوعى تمشى من هنا .. أنا ح أرقىها قدامك .

لال : مدام الشيخ حسن رقاكي بيأه حيحصل ..
افقعى زغرودة يا وليه .. ياللا خش بخر
يا شيخ عماد عشان تحل البركة وتطرد الشياطين .
خشى يا عنایات .

بولس يضع يده ليرقيها .. ويقول كلاماً غير مفهوم .. يدخل جرجس حاملاً المبخرة التي أعطاها له الشيخ بلال .

أم إبراهيم تزغرد .

بولس : يا شيخ بلال ارحمنى .. عنایات مین
تاني .. ما كفاية أم إبراهيم !

بلال : الناس عشمانين فيك يا مولانا .. بركة
.. أصل دى بأه جوزها مربوط بعيد عنك ..
يخش عليها عشان يعاشرها يشوف قرد قدامه
.. عازين نفس العمل اللي معمول له .

بولس : وعنایات ما بتخلفش برضه زي
أم إبراهيم ؟

بلال : لا .. دى مخلافة منه سبعة .

بولس : أمان كل ما يخش عليها يشوفها قرد
إزاي ؟

عنایات : دوخت يا سيدنا الشيخ .. ولقيت
بيه على دكاترة وشيوخ وأوليا .. حتى القسيس
روحت له .

بولس : والقسيس معملاش حاجة !

عنایات : شفاه على إيدك يا شيخ حسن بعون
الله .

بلال : بركتاتك يا شيخ حسن .

بولس : ربنا هو الشافى يا بلال !

تدخل عنایات امرأة عادية محجبة أيضًا .

أصوات زغاريد .

قطع





زحام من المسيحيين فى شبه مظاهره ..
وبوليس وأمن يحاصر المكان ولافتات :

ولييم : بولس فين يا أبونا .. بولس فين ؟ شهر
عدا ومحدث عاوز يرد علينا .. الرجل ومراته
وابنه يختفوا فى لحظة كده يا أبونا ؟ فص ملح
وداب ؟ إحنا لا يمكن نسكت !؟

القس : يا جماعة اللي بتعملوه ده مش صح ..
الأخ بولس كلنا بنحبه وكلنا تهمنا سلامته ..
وسلامة أسرته ، وإحنا مش لازم نقدر الشر قبل
وقوعه .

يخرج القس ليكلمهم .

اعتراض من الواقفين .

قطع



عدد غفير من الناس يأتون للشيخ حسن إحداهم تسحب بقرة .. وآخر يأتي حاملاً أقفاص الطيور وبعضهم عمل نصبة شاي يشتري منه الناس الشاي في انتظار أدوارهم .

جرجس واقفاً عند الباب يمنع تزاحم الناس للدخول بصعوبة .
يوزع عليهم أوراقاً صغيرة .

الرجل الذي يحمل قفص الطيور .

جرجس : يا إخواننا ما ينفعش كده .. النظم ..
لو الشيخ حسن شاف الهرجلة دى ح يقفلش منكوا .. واحد واحد .

رجل ضخم : طيب بس طلع له دول ؟

جرجس : يا عم الحاج الشيخ حسن لا بياخد طيور ولا غيره .. ده بيعمل ده لوجه الله .

الرجل : اعمل معروف يا شيخ عمار .. الوليه ما بتخلفش إلا بنات وأنا نفسى في واد .

جرجس : يعني الوزه والبضتين دول هما اللي ح يجيبوا الواد .

صوت بلا ل : اللي بعده يا شيخ عمار .

جرجس : نمرة 18 .

قطع



بولس جالسًا وأمامه رجل مرتدٍ بذلة وبلال
واقفًا.

الرجل : أنا مرشح نفسي في مجلس الشعب يا
شيخ حسن عشان أخدم أهل البلد .. وبفضل الله
بقالى دورتين باخدنا باكتساح .

بولس : كويس .

الرجل : المرة دى بأه نازل قصادي واحد تقيل
وإيده طايلة .. ولا مم حواليه أهل البلد .

بولس : إانت عاوز إيه !؟

الرجل : تعمل لى حجاب .. ولا عمل يخللى أهل
البلد ما يشوفوش غيري وما ينتخبوش غيري .

بولس : إنت حزب إيه !؟

الرجل : حزب وطني .

بولس : وده يحتاج عمل يا راجل .. ناجح بالثالث
.. إتكل على الله .

قطع



مولد سيدى الفولى بالمنيا .

يبدأ المشهد بحلقة ذكر واستعراض جو المولد والزحام الشديد .. ونرى بلال ومعه بولس وبعض من كانوا في المسجد مثل الشيخ عثمان والذين كانوا يسألون في الجامع وجرجس .

بلال : معلش بأه يا شيخ حسن .. إحنا إتاقنا عليك .. بس أصلى إحنا بنستنى مولد سيدى الفولى من السنة للسنة، والسنة دى بأه ح نظاهر إسلام .. مش معقول الواد يتظاهر وإنك موجود في البلد من غير ما تباركه .

يجلس بولس ومعه بلال وبعض الرجال في جو المولد ، حيث يأتو حمص الشام والمراجع والزحام .. والتنورة .. وحلقات الذكر .

ينظر بولس ليجد طابوراً من الأولاد يرتدون الجلاليب البيضاء والعقال على رؤوسهم .. كلهم في انتظار الطهارة .

جرجس : هما كل دول ح يتظاهروا؟!
بلال : آه أمال إيه؟ . موسم بأه كل سنة وإنك طيب؟

بولس يلمع رجلاً ضخماً يقف في الطابور بين
الأطفال مرتديةً جلباباً أبيض

بولس : وده جاي يتظاهر برضه ياشيخ بلال .
بنزعج حينما يراه .

لال : لا .. ده متظاهر من زمان .. دى دخلته
ضاحكاً .

الجمعة الجايه ياشيخ .

بولس : بيأه جاي يأيف .

لال : لا .. ده عنده كاللووجاي يشيله .
جرجس ينظر لأبيه .

جرجس : كاللووفين ١٦

لال : فى رجله .. ربنا يحظك ياشيخ عmad .
لال يضحك .

بولس : هو ده اللي بيظاهر ياشيخ بلال .

لال : عم برکات .. ده مظاهر نص البلد ..

ده مظاهرنى أنا عم برکات ده .. إيده تتلف فى

حرير .

بولس : بس ده نظره شيش بيش ياشيخ بلال !

طفل يصرخ خارجاً وجلبابه امتلاً بالدم ويخرج
المظاهر (رجل بيبدو ضعيف النظر جداً وعجز
جداً).

لال : واد يا إسلام .. استرجل يا واد .. تعالى

يأتى دور إسلام .. إسلام يبكي .

.. تعالى حب على إيد عمك الشيخ حسن ..

عشان تاخذ البركة .. أهو كل العيال كده .. أظن

ما الشيخ عmad يوم ما ظاهرته ياشيخ حسن

تلافقه عيط وقلب الدنيا .

عماد : لا .. أنا ما عيطتش !؟

لال : طيب يا خويا ما دام جامد قوى كده خد

أخوك إسلام وخش بيـه على عم برـكات عـشـان

تشـجـعـه .

عماد : أنا أخـشـ عندـ برـكات .. لا يا عم !

خائفاً .

لال : لا ده إنت طلعت قلبك خفيف ياشيخ

عماد .. عقبـالـ ما ظـاهـرـ أولـادـكـ .

جرجس : فى حياتك إن شاء الله .

بولس يعانقه الطفل فى رثاء .. الطفل يبكي ..

وبولس هو أيضاً تدمى عيناه .

بولس : أنا حاسس بييك يا إسلام .. اجمد يا بنى .

بشويش يا بركات .. خللى عندك رحمة يا بركات

.. ما تحفشن يا بركات !

يدخل إسلام .. نسمع صوت صراخه .

قطع



نرى ماتيلدا وجرجس وبولس وهم يصلون وأمامهم صورة العذراء .. أو المسيح عليه السلام ..

يبدأون في الصلاة جمِيعاً.

أثناء الصلاة .. طرق على الباب .

بولس يفتح ليجد أمامه ضابطاً وعددًا من الجنود .. حالة هجوم أمني مخيف .
مرتبكاً .

ماتيلدا تقدم من الضابط .
جرجس ينتفض مفروضاً .

يدخل بلال .

بولس : أبانا الذي في السموات يتقدس اسمك ..
ليأت ملوكتك .. لتكن مشيتك كما في السماء كذلك
على الأرض .. خبزنا كفافنا أعطنا اليوم ، واغفر
لنا ذنبينا كما نغفر نحن أيضًا للمذنبين إلينا.

الضابط : إنت حسن العطار ؟

بولس : أيه ؟

الضابط : اتفضل معانا .

ماتيلدا : عاوزين تاخدوه على فين؟! .. استنى
يا حضرة الظابط .. ده مش !

بولس : مش إيه؟.. يا أم عماد .. خلى بالك من
أمك يا عماد .. أنا مش حتأخر .. أنا جاي علطول.

بلال : واحدين الشيخ حسن على فين يا باشا ..
ده راجل فاضل وتقى والبلد كلها بتحبه .

الضابط : مالكش دعوة إنت ياشيخ بلال .

بلال : أنا جاي معاكوا!

بولس : خليك إنت ياشيخ بلال .

بلال : أخلينى؟! .. إنت بتقول إيه يا مولانا ..
وحياة النعمة الشريفة ما أسيبك .. كلنا ح نيجي
معاك .

بولس : كلکوا مين؟!

قطع



سيارة الشرطة تقف وينزل منها الضابط وبولس
وجمهرة كبيرة من الذين كانوا بالجامع وقد أتوا
لكى يشدوا من أزر حسن العطار (بولس).
شعارات تخيف الحكومة يهتف بها المتجمهرون
 أمام مديرية الأمن .


الجميع : لا إله إلا الله .. إحنا فداك يا شيخ
عطار.. إحنا معاك يا شيخ حسن .. إحنا وراك
يا سيدنا الشيخ .. مش ح نروح .. مش ح نخاف
يمشو اتنين ييجى آلف.

الضابط : اللي بتعملوه ده مش كويis .. كل
واحد يروح على بيته .. إحنا حناخد من الشيخ
حسن كلمتين وح يرجع علطول .. يا شيخ حسن
اللى بيعملوه ده بيصعب موقفك .. إنت المسئول .
بولس : هوه أنا قولت لحد ييجى يا حضرة
الضابط .. يا إخواننا .. الموضوع بسيط وح يتحل
.. أرجوكموا .. أبوس إيديكوا ..

بولس : يارب نج نفسى من الشفاه الظالمة ..
ومن اللسان الفاش .. سلامك ناصر العقول فىنا
ومش ممكن يزول مهما العدو بيقول مالى حياتنا
سلام ..

لا يتحركون .. بولس يطلع إلى المبنى مع الضابط
والجنود .. تحرش بين الأمن والمتظاهرين يتخد
شكلًا عنيفًا ينبئ عن وقوع كارثة !
لنفسه .

قطع



الضابط يعطي التحية .

بولس يجلس وهو في قمة الرعب .

صارخاً .

الضابط : حسن العطار يا باشا !

العميد : اقعد يا شيخ حسن .

حسن عبد الحميد العطار .

بولس : أنا عاوز أكلم اللواء مختار سليمان !

العميد : استنى بس عليا .. ح نكلم الدنيا كلها

بس مش لما تعرف إحنا جايبيك هنا ليه !؟

بولس : أنا معملتش حاجة يا حضرة الضابط .

العميد : اسمع يا شيخ حسن .. إذا كنت فاكر

إن اللي أنت عملته في أسيوط ح تعمله هنا في

المنيا .. إنسى !

بولس : أسيوط إيه !؟

العميد : إيه علاقتك بتنظيم القاعدة !

بولس : أنا !

العميد يحاول أن يكبح جماح غضبه ويتكلم ببرقة شديدة مفعولة .

صارخاً .

بولس يصاب بالذعر .

العميد : شوف يا حسن .. أنا راجل مؤمن

بالمناقشة .. بالحوار .. وأسلوبى بعيد كل البُعد

عن العنف والقسوة !

إنما .

إنما .. لوحسيت إن اللي قدامي بيلف ويدور ربنا

ما يوريك .. عندي طرق تخليك تقر وتعترف بكل

حاجة .. إنت فاهم .

بولس : ما إنت كنت كويس يا سيادة العميد ..

إيه اللي حصل بس !؟

العميد : أنا كويس وطيب .. وأتحط ع الجرح
يبرد .. طول ما إنت دوغرى معايا .
إنما ..

صارخاً .

بولس : أهو إنما دى هى اللي بتعصبك
يا سيادة العميد بلاش منها خلاص .
العميد : قعدت قد إيه فى أفغانستان يا حسن
يا عطار ؟
بولس : أفغانستان !

يدخل أربعة مخبرين ضخام الجثة ويقفون أمام
العميد وخلف بولس .

بولس مرعوباً .

بولس : أرجوك يا حضرة الظابط اطلب لى
اللواء مختار سليمان .. اعمل معروف .

العميد : إيه الدوشه دى !
الظابط : البلد كلها جايه .. واقفين تحت
وعاملين مظاهرات ومش عاوزين يمشوا إلا
ومعاهم الشیخ حسن !

العميد : ياااه .. بالسرعة دى .. لحقت تعمل
قاعدة شعبية فى البلد ! .. كده من أول يوم ..
أمال لو قعدت عندنا سنة والا اتنين ح تعمل إيه ؟!

بولس : أنا لازم أكلم اللواء مختار .
العميد : حاضر يا عم حسن .. أنا ح أطلب
سيادة اللواء

قطع



مشهد : 28

ليل / خارجي

مكان به آثار انفجارات

سيارات نجدة وحالة طوارئ .. المكان كوردون فى الأزهر والسيارة منفجرة والناس ملقين فى الشوارع والإسعاف تمرفى الكادر .. ثم نرى مراسلى القنوات الإخبارية يندفعون نحو اللواء مختار .. والذى يبدو فى قمة الانشغال والتوتر ممسكاً بالللاسلكى .

هراسل 1 : لماذا لم يصدر تصريح حتى الآن من وزارة الداخلية عن عدد المصابين والقتلى فى حادث انفجار القنبلة؟!

مختار : الحمد لله مفيش خسائر فى الأرواح .. شوية محلات اتكسرت وكام عربية .. وتلاتة مصابين إصابات خفيفة .. و75 واحد ماتوا .. مش لانفجار القنبلة .. إنما نتيجة للتدافع بين الناس وبعضها وقت الانفجار .. والحمد لله كلهم مصربيين .. مفيش بينهم أجانب .

يدخل فوزى .

اللواء يأخذ التليفون .

فوزى : تليفون يا باشا .
مختار : حسن العطار مين؟ ..
أنا معرفش حد بالاسم ده .. عاوز يكلمنى؟ ..
أنا مش فايق دلوقتى ياسيادة العميد .


قطع



بولس : يا مختار باشا .. أنا .. حسن .. حسن العطار بتاع العباسية .. المسيحي.. ده سعادتك اللي موديني المنيا .. أنا ومراتى وابنى عماد اللي هوه جرجس .. أيوه .. ركز معايا وحياة والدك .

بولس يخطف السمعة .
رد فعل على وجه الظابط .

قطع



اللواء مختار : آه .. إزيك يا أخ بولس .
المراسل : هل مصر أصبحت منطقة إرهاب دولية بعد تكرار حوادث الانفجارات .

مختار : أنا عاوزك تطمئن خالص .. أديك شايف رجالتنا قايمين بالواجب ولا لأننا

اللواء مختار يتكلم في التليفون .

وهو ممسك بالتليفون يرد على المراسل وحوله الضباط .

قطع

مشهد : 31

ليل / داخلى

مكتب الأمن في المديريه

بالمانيا

بولس : قايمين بالواجب قوى بس زيادة عن
اللزوم .. أنا بتكلم من المديريه .. بأعمل إيه
فى المديريه.. أصلهم عرفوا إن أنا باشتغل مع
القاعدة !

بولس ينظر لمن خلفه .

قطع

مشهد : 32

ليل / خارجي

موقع الانفجار

مختار : تنظيم القاعدة !
المراسل : فعلاً يا فندم .. تفجير القنابل فى
الأماكن الحيوية ده أسلوب القاعدة.
مختار : مين اللي قال الكلام الفارغ ده ؟
المراسل : سيادتك يا فندم !

اللواء مختار يتكلم فى التليفون .

قطع



بولس : أنا عارف ! .. ما تقول الكلام ده
لحضرة الظابط أقوله صدقى .. مش مصدقنى !

بولس والعميد .
يعطيه السماعة .

قطع



المراسل : هل أعلنت أي جهة مسئوليتها عن
الحادث .

مختار : لا .. إنما إحنا غالباً بنميل لاتجاه إن
اللى قام بالعملية مختل عقلياً .

قطع



العميد : مختل عقلياً .

سيادتك متتأكد يا فندم ؟ .. أيوه يا باشا أنا مع سعادتك .. اللي تشووفه سعادتك يا باشا ..

شيخ حسن .. إحنا متأسفين الظاهر فيه تشابه أسماء بينك وبين واحد مطلوب عندنا .. إنما .

بولس : إنما إيه ؟

العميد : تقدر تتفضل .

مسكاً بالتلفون .

ينظر لبولس .

متشككاً .

قطع





الهتافات : يا حكمة قوم قوم كل الظلم نهايته
اليوم .

مشح نروح مشح نخاف يمشوا اتنين بيجوا آلاف.

بلال : يا إخواننا .. من النهاردة الشيخ حسن
هو إمام جامع البلد .. هو الإمام وبكره بعون
الله هو اللي ح يخطب خطبة الجمعة وبالعند فى
الحكومة !

بولس : إمام !

الهتافات قبل خروج الشيخ حسن .
الشيخ حسن خارجا .. النساء تزغرد.. والرجال
يهللون .. والشيخ بلال يأخذه من ذراعه بين
الجميع ليركب معه الحنطور .. أمام جمع غفير
من المتظاهرين والمؤيدين للشيخ حسن.

ازداد عدد الواقفين فى الخارج من
بداية المشهد لحظة دخول بولس مديرية
الأمن .

قطع





المشهد فى الرىسيشن يبدأ بجرجس يضع حقيبة على الأرض.

الساعة الثانية بعد منتصف الليل .. الحقيبتان موجودتان وماتيلا جالسة وجرس.. وبولس يردد ونرى جرس وقد طالت ذقته بعض الشيء .

بولس : إحنا خلاص مالناش عيش فى البلد ؟

جرجس : يعني مفيش غير وليم شحاته اللي نروح نقدر عنده.

بولس : وماليه وليم شحاته .. راجل طيب ومسىحي حقيقى وبيحبنا .. ده طار من الفرحة لما عرف إن إحنا حنقدر عنده وقلت له على كل حاجة.

جرجس : ما قولناش حاجة .. إنما .

ماتيلا : وطنط تريزا مراته بتحبك كأنك ابنها بالظبط .

بولس : أنا عارف ابنك بيلمح لإيه يا ماتيلا .. مالها جانيت يا أخي .. أنا مش عارف .. وحشة جانيت يا ماتيلا !؟

ماتيلا : إحنا فى إيه والا فى إيه يا بولس .. وافرض حد شافك هناك يا بولس نباء عملنا إيه !؟

قطع



لتخيل الشارع الذى به العمارة التى فى شبرا هو
شارع جانبي .. أشبه بمنطقة شيكولانى بشبرا
.. العمارة قديمة ولكنها تبدو عريقة وال محلات
تملاً الشارع .. ولكن بالعمارة محل جواهر جى

فخم .. وضخم اسمه جواهر جى جورج .
كما نرى سوبر ماركت قباء صاحبه مصطفى
السُّنِى وهو رجل ملتاح .
يبدو شكله متدين للغاية زيبة الصلاة على
وجهه واضحة .

كما نرى من بعيد محلًا خالياً يبدو كئيباً خاوياً
لم يستخدم منذ فترة طويلة .
كما نرى مقهى بلدى فى الحارة يشبه مقاهى
شبرا الضيقة .

وليم خارجاً و معه تريزا الاستقبال أسرة بولس ..
يحاول أن يسمع المحلات المجاورة .

وليم : اتفضل يا أستاذ حسن .. اتفضل
يا أستاذ عماد .. اتفضل يا سنت زينات .. أهلاً
وسهلاً .. شيل الشنطة يا ابني لعمك الحاج !؟

تريزا تحضن ماتيلدا .

يوسف الذى يعمل فى محل قريب يحمل الشنطة
مستغرباً ، و نرى مصطفى ينظر باندهاش .

تريزا : أهلاً يا حبيبتي .. إزيك !

جانيت تنظر من balkone .

يهمس لبولس .

جرجس : شايف يا بابا .. بذمتك مش المنيا
كانت أحسن .. طيب إنت هربان من ناس عازين
يقتلك .. ترميني أنا الرمية دى !

بولس : تعالى يا بنى ما تخافش !

يضحك .

جرجس : وأخاف من إيه ! .. أنا مش بأيت
ابن الشيخ حسن العطار .. يعني جانيت بأت ما
تجوزليش دلوقتي !

يطلعون إلى العمارة بولس ومايلدا وجرجس .

جورج وهانى ابنه أمام محل الجواهرجي ويوسف
الذى يعمل بالمحل .

جورج : مين دول يا هانى .

هانى : دول سُكان جداد فى العمارة .. عم وليم
بيقوله يا حاج !
جورج : حاج !

مندهشاً .

قطع





جانيت تفتح باب الشقة .. ليدخل جرجس
وماتيلدا بالحقائب ومعهما تريزا.

يفتح باب الشقة المقابلة لشقة حسن العطار
لنجد الشيخ محمود سيف الدين.

بولس : مش عاوز غلطة يا وليم .. تقع بسانك
تودينا فى داهية .. أوعى حد من العمارة يحس
بحاجة!

وليم : ماتخافش يا أخ بولس !
محمود : أهلاً وسهلاً .
وليم : الأخ جارنا الجديد الأستاذ حسن العطار.
محمود : مين !؟

بولس : حسن العطار !؟
محمود : فرصة سعيدة يا أستاذ حسن ..
أنا مرقص عبد الشهيد .. لو عوزت أى حاجة
أنا تحت أمرك.

بولس : ربنا يحافظ عليك يا أستاذ مرقص .

محمود : نورت العمارة يا أستاذ حسن.
بولس : منورة بأهلها يا مرقص.
محمود : افضل .. افضل .
بولس : لا افضل إنت .
وليم : ياللا يا أستاذ حسن .. إنتوا ح تقعدوا
تعازموا على بعض .. رد بابك يا مرقص .

محمود ييدو متمسكاً ببولس وسعيداً جداً
بمجيئه .

محمود بيتسم .
وليم يومئ برأسه سعيداً .
بولس بيتسم .
بولس يغلق الباب ومحمود أيضًا .

قطع



ماتيلدا تخلع الحجاب وتجلس لتلتقط أنفاسها .

وليام يفتح الشبائك .. جرجس يجلس ليرتاح .

وليام : الشقة نضيفة وزى الفل يا بولس يا خويا !

تريزا : جانيت بتمسحها وتكتنسها كل أسبوع ..

ما هى شقتها اللي ح تتجوز فيها .

رد فعل سيني على وجه جرجس .

بولس بيتسم .

ماتيلدا : ربنا يتمن لها بخير يا تريزا .. ياللا

ياجرجس دخل شنطتك فى أوضنك وحط

هدومك فى الدولاب .

جرجس يدخل وخلفه جانيت .

قطع



جرجس جالساً على الكنبة في ضيق وجانيت
تقوم بترتيب ملابسه في الدوّلاب.

جانيت تنظر نحوه بأنيثة .. مما يضايق جرجس.

جانيت : ده بابا الفرحة ما كانتش ساييعاه
لماعرف إنكواح تقعدوا عندنا يا جرجس.

جرجس : أبوكي ده شكله ح يضيغنا .

جانيت : على فكرة الدقن شكلها حلو عليك .

جرجس : ح نحلقها بإذن ربنا .


جانيت : سمعت شريط تامر حسنى الجديد ؟!

جرجس : في المصايب اللي إحنا فيها دى ح
نسمع تامر حسنى .. إنتي رايقه باين عليكى ؟!

جانيت : إنت مالك يا جرجس .. حاسة إنك
متضايق .

جرجس : واحد أبوه مُهدد بالقتل وهربانيين
وسايبين بيتنا ومتسلطين .. عاوزانى أعمل
إيه ؟ .. أتحزم وأرقص ؟!

قطع



بولس ووليم فى الصالة .

بولس : إنما .. مرقص ده اللي ساكن قدامى
بيشتغل إيه ١٦

وليم : أنا ما أعرفش .. إنما هو كلمنى عشان
يأجر المحل اللي تحت .. بيقول عاوز يعمل فيه
شغل ؟ أصله كان فى أمريكا بقاله 20 سنة ..
ولسه جاي ما بقالوش فى البيت شهرین .

بولس : باين عليه راجل طيب ومتدلين .

وليم : يا أستاذ بولس ده من ساعة ما سكن هنا
لا شفناه دخل كنيسة .. لا هوه ولا بنته ولا مراته .

بولس : ما يمكن مش عارف يا وليم .. ما تكلم
الكنيسة يفتقدوه .. يجوله يفهموه .. يعرفوه يعمل
إيه ؟ ..

مسيحيين كتير بيبأه جواهم الدين بس مش
عارفين الطريق .

وليم : عندك حق يا أخ بولس .

وليم فى احترام وإجلال .

قطع

مشهد : 43

نهار / داخلي

شقة مرقص

محمود داخلاً لزوجته .


محمود : شفتني يا زينب .. شفتني كرم ربنا
سبحانه وتعالى .. عارفة مين اللي سكن قدامنا !

زينب : مين يا محمود ؟!

محمود : الشيخ حسن العطار .. أنا أسمع من
زمان إنه راجل تقى جداً .. ومبروك .. وقلبه عامر
بنور الإيمان .. ده قطب من أقطاب الإسلام ..
يا زينب ده أكبر داعية ديني في الصعيد ..
ده هناك له شنة ورنة .

زينب : إنما ولهم صاحب البيت ما يسكنش
غير مسيحيين يا محمود .. إزاي يسكن الشيخ
حسن العطار عنده ؟!

قطع





وليم وجورج ويوسف داخل المحل .

بيدو جورج مستاءً من أن حسن العطار سكن
عنهه ووليم يبرر له .

وليم : يا إخواننا الرجل ده عمل فيا معروف
من 15 سنة .. وبيته وقع وجه يستنجد بيها هو
ومراته وابنته .. أسيبهه ينام في الشارع .. أنا مش
قليل الأصل .

جورج : ما أنا طلبت منك آخذ الشقة دي
مارضيتش يا وليم تقوم تديها لحسن العطار ..
تستخسرها في المسيحي وتديها للمسلم !

وليم : دي شقة جانبيت يا جورج .. هوه مش ح
يقعد فيها علطول .. هما كام شهر وربنا يفرجها
عليسهل له ويمشي .

جورج : على فين يا هاني ؟

هاني : جاي .. جاي .. جاي !

هاني يرى فاطمة تمر أمام المحل .
يخرج مسرعاً .

قطع



هانى : مريم .. سعيدة يا مريم !
 فاطمة : إزيك يا هانى .. وازى أونكل جورج .
 هانى : كويس .. أنا ..
 فاطمة : فيه إيه يا هانى ؟
 هانى : ممکن تقبلی دی منى ؟!
 فاطمة : إيه ده يا هانى ؟
 هانى : أصلى شايفك مش لابسة صليب .. قلت
 أجيبهولك !
 فاطمة : لأ يا هانى .. أنا ..
 هانى : ده هدية منى ؟
 فاطمة : لا ما أقدرشن .. أنا .. أصلى .. سورى
 يا هانى أنا ما اعتودتش أقبل هدايا من حد .
 هانى : ح تكسفينى ؟
 فاطمة : سورى يا هانى .

هانى يلاحق فاطمة قبل وصولها العمارة
 فاطمة تقف .
 مرتبكاً .
 يعطيها علبة .
 هانى يفتحها لنجد فيها الصليب الذهب .
 تطلع مسرعة وهو ينظر بإعجاب لها .

قطع



فاطمة صاعدة بسرعة على السلم قبل أن تفتح
الباب تُفاجأ بباب الشقة المقابلة يفتح .

تندهش !

تلتفت لأن الشقة لم تكن مسكونة لتجد أمامها
جرجس يخرج بعض المخلفات يضعها في
صفحة القمامه .

تلتقى النظارات .. جرجس يبتسم لها بحياء .

جرجس : مساء الخير .

فاطمة : مساء الخير .

قطع



- فاطمة** : إيه ده ؟ .. هو الشقة اللي قدامنا سكنت يا بابا !
محمود : أيوه .. الشيخ حسن .
- فاطمة** : الشيخ حسن .. لأ ما تقولش .. طيب
تيجي إزاي دى ؟ .. ده جاي كوسه أكيد !
- محمود** : سيبى أمك تعرف تقرأ فى المصحف .
محمود : ادخلوا جوه !
- قس بطرس** : مساء الخير يا أستاذ مرقص .
محمود : مساء الخير .
- قس بطرس** : أنا أبونا بطرس يوحنا .. كاهن
كنيسة مارى جرجس .
محمود : أهلاً وسهلاً .
- قس بطرس** : إحنا جاين لك يا أستاذ مرقص
عشان نقدر معاك شوية .
محمود : اتفضلاوا .. اتفضلاوا .
- قس بطرس** : ولهم قالنا إنك كنت فى أمريكا ..
حمد الله ع السلامة .
محمود : الله يسلامك .
- فاطمة دخلة إلى الشقة .
- فرحاً .
- زينب تقرأ القرآن وتبتسم لتعليق فاطمة .
يضحك .
- طرق على الباب .. زينب وفاطمة يدخلان إلى
حجرة داخلية .
- محمود يقوم ليفتح الباب ليجد أربعة قساوسة
أمامه يحملون بعض الصور المسيحية ..
يبتسمون .. يرتكب للغاية .
- يدخلون .

يجلسون .

قس بطرس : إحنا يا أستاذ مرقص جايين
نتعرف عليك ونصليلك ، وإيه رأيك تطلع معانا
النهاردة دير البرامون نصلى البسخه مع بعض
ونعمل تمجيد .

محمود : بس أنا .. أنا لسه جاي من السفر
يا بونا .. قصدى لسه مارتبتش أموري .

مرتبكاً .

القسس ينظرون لبعضهم بعضاً فى نظرة يأس
منه .

بطرس ينظر للقس نظرة ذات مغزى تعنى أنه
ضعف الإيمان .

قس بطرس : إنت آخر مرة اتناولت إمتي
يا مرقص !؟

محمود : أنا .. الحقيقة .. ما اتناولتش !

قس بطرس : ما اتناولتش إزاى !؟

محمود : اتناولت إيه بالظبط يعني !؟ ..
أنا على لحم بطني من الصبح .

قس بطرس : طيب .. آخر مرة اعترفت فيها
كان إمتي !؟

محمود : أنا ما بخبيش حاجة .. ح أعترف بإيه !؟ ..
أنا راجل اللي في قلبي على لسانى على طول .

مرتبكاً .

بطرس ينظر إلى القسس الذين يشعرون بأنه
مسكين .

قس بطرس : بابنك فى أمريكا كنت عايش
حياة دنيوية مبتعد عن دينك وعن ربك .

محمود : آه .. آه .. المشاغل بره بتلهى الواحد .

قس بطرس : عشان كده .. إحنا جايناك نصليلك
صلاة القنديل .. ونباركلك بيتك ومراتك وعيالك .

مرتبكاً .

بطرس ينظر إلى القسس الذين يشعرون أنه لا
أمل فيه .

رد فعل على وجه محمود .

قطع



خبط على الباب .

بولس يفتح الباب ليجد أمامه أربعة رجال
ملتحين بينهم الشيخ مصطفى السنى .
يدخلون ومعهم بعض البراويز عليها آيات قرآنية .
مرعوباً .

مصطفى : السلام عليكم ورحمة الله وبركاته .
بولس : عليكم السلام .

مصطفى : معلش يا أستاذ حسن إحنا جينالك
من غير لا إرحم ولا دستور .

بولس : وإرحم ودستور ليه؟.. اتقضوا .. خير .

مصطفى : إحنا ولاد حى واحد وجيران ، والنبي
عليه الصلاة والسلام وصى على الجار .

بولس : أنا متشكر ليكوا قوى .

مصطفى : خصوصاً فى الظرف اللي إنت فيه؟
بولس : ظرف إيه؟

مصطفى : يعني .. إنت راجل مسلم وساكن فى
عمارة كلها مسيحيين .. مش عاوزينك تشعر بإنك
لوحدك .. إحنا كلنا معاك .. وأهلك وأخواتك .

بولس : بس أنا ما اشتكيتش من حاجة .. ووليم
ده راجل طيب ومعرفة قديمة .

مصطفى : ما قولناش حاجة .. بس عشان تحل
بركة المسلمين فى البيت عندك .. ح نقرأ لك
بعض الأوراد والأدعية اللي تحميك وتصونك من
شر الدنيا والآخره ومن شر أعداء الإسلام .

بولس : أوراد؟!

مصطفى : أتفضل يا عم الشيخ .

قطع



نرى بعض الصور المسيحية وقد علقت على
الحائط.

القس يمارس صلاة القنديل .. يبخر الشقة
ويستخدم القوس في بعض الترانيم ، ومحمد
كأنه معتقل في الشقة لا يستطيع أن يسكنهم
طبعاً .

ويقفون أمام صورة المسيح .. يشعرون خمس
شماعات ويرشون البيت بالماء بعد الصلاة عليها .

قطع



زينب وفاطمة في قمة التوتر في الحجرة الداخلية
.. خوفاً من أن ينكشف محمود أمام القس .

قطع



مشهد : 51

ليل / داخل

شقة بولس

نرى آيات قرآنية معلقة على الحائط .

الشيخ عثمان يجلجل بأدعية وأذكار تشبه أدعية

النقشبندى .. وبولس يسمع ذلك مرغماً .

صوت : اللهم يا مقلب القلوب ثبت قلبي على
دينك .. اللهم يا مصرف القلوب والأبصار
صرف قلوبنا على طاعتك .

اللهم زدنا ولا تقصنا .. وأكرمنا ولا تهنا ..
وأعطنا ولا تحرمنا .. وأثرنا ولا تؤثر علينا .

ويعلو الصوت تدريجياً في كل البيت .

قطع



مشهد : 52

ليل / داخل

حجرة بولس

ماتيلدا وجرسن في قمة الرعب في حجرة
جرسن لدخول الشيوخ على بولس .

قطع



رد فعل جورج وهانى ويوسف فى الشارع وبعض الناس قد التقوا ليسمعوا كل هذا ، وقد اختلطت الأوراد الدينية مع الترانيم المسيحية ، وحالة من الدهشة والاستغراب قد سادت الشارع.

قطع



القساوسة خارجون .
والشيخوخ خارجون .
وبولس واقفاً في شقته على الباب .
وأيضاً محمود وقد بدا عليهم الانفعال الشديد .
يُنظران لبعضهما بعضاً .. ثم يبتسمان .
محمود : نورت العمارة ياشيخ حسن .
بولس : منورة بأهلها يا مرقص .
محمود : اتفضل .. اتفضل .
بولس : لا والله .. اتفضل إنت الأول .
يُغلقان الباب بهدوء .

قطع



منظر عام للعمارة .. لنرى الشارع
العمارة من الخارج .. العمارة تبدو عريقة قديمة
.. مثل عمارات شبرا القديمة .

قطع



بلال صارخاً .

بلال : راح فين الشيخ حسن يا إخواننا .. طلعوه قدامنا عشان يهدوا الناس .. وتنى يوم راحوا جابوه من الفجر .. إحنا مش حنمشى من هنا إلا لما تجيبولنا الشيخ حسن .

بوليس وأمن يحاصرؤن المكان .. والمسلمون خارجون من الجامع فى شبه مسيرة .

رجل الأمن يكلمهم .

المقدم : يا إخواننا .. الشيخ حسن عومل أحسن معاملة عندنا ، وخرج بعد نص ساعة مع الشيخ بلال وروح بيته ومحدث فرض عليه إنه يمشى أو يسيب البلد إطلاقاً !

اعتراض من الواقفين .

قطع



محمود : إزيك يا حاجة ..

ماتيلدا : افضل .. افضل ..

محمود : أنا كنت عاوز الشيف حسن في كلمتين !

بولس يبدأ الصلاة .

جرس الباب .. ماتيلدا تفتح .. فيدخل مرقص

ممسمًا بجريدة (الشيخ محمود) .

ينتظر بولس الشيف حسن حتى يختتم الصلاة

مسرعيًا .. على الطريقة الإسلامية !

بولس : السلام عليكم ورحمة الله وبركاته .

محمود : حرماً يا شيف حسن .

بولس : الله يخليك يا مرقص .

محمود : شيف حسن .. أنا من أول لحظة شفتك

فيها وأنا عارف إنت مين ! .. وجيت هنا ليه !

بولس : ما تخافش .. سرك في بير ! أنا عملت

كده مضطراً يا مرقص يا خويا !

محمود : أنا حاسس باللى إنت فيه .. الدنيا

مقلوبة عليك .. والأمن هو اللي خلاك تسيب لهم

البلد .. صح والا مش صح يا شيف حسن ؟

بولس : أيوااه .. صح يا مرقص .. صح ..

إنت مسيحي طيب يا مرقص .. فين الشاي

يا أم عماد !

محمود : هوه إنت مش صايم يا شيف حسن ..

النهاردة نص شعبان .

بولس : آه .. أنا ! .. أنا صايم طبعاً .. ده عشانك

إنت .

محمود : الكوبaitين !

جرس يكاد ينخلع قلبه من الخوف !

يشير إلى الجريدة وعليها مانشيت ؟

فى المنيا تنادى بعودة حسن .

تنفس الصعداء .

تأتي ماتيلدا بالشاي .. يرتبك مرقص .

بولس : الاتنين عشانك .. اتقضل اشرب ..
إحنا كده أى ضيف يتقدم له كوبaitين .. واحدة
زيادة وواحدة سادة ..

محمود : أصل الشاي بيرفع لى الضغط ..
معلش !

بولس : بياه تاخد عصير .. عصير يا أم عماد ..

محمود : لأ .. أصل العصير بيرفع لى السكر ..

بولس : عاوز تكسفها برضه .. والله لانت
شارب .. طب شوية ميه تبل ريقك ..

محمود : لأ أصل أنا .. معدتي واجعاني ياشيخ
حسن .. خليها بعد المغرب أباه آجي أفتر
معاك ياشيخ حسن .. سلاموا عليكم ..

بولس : مسيحي طيب مرقص ده ..

ماتيلدا : شوف لك حل فى ابنك ده ١٦

بولس : ماله جرجس ..

ماتيلدا : كل يوم ينام لحد العصر ومستقبله
ح يضيع ..

امسك .. كلم اللواء مختار يتصرف .. ينزله
جامعة القاهرة بدال ما السنة تضيع عليه ..

يخرج مهرولاً ..

تدخل ماتيلدا منفعلة ..

ماتيلدا تعطيه التليفون ..

بولس يمسك التليفون ..

قطع



مشهد يظهر الحالة الأمنية المتوترة .
عدد من ضباط البوليس والجنود يحيطون
بالمحطة .
زحام .. وحالة توتر كبيرة في المحطة .

قطع



مشهد لعدد من الضباط وقد سادت حالة من
الرهبة لإخلاء المترو .

قطع



حالة ارتباك وتوتر شديدة داخل النفق .
عدد من الضباط وخبراء المفرقعات يجلسون
 أمام قنبلة اكتشفها البوليس ويريدون أن يبطلوا
 مفعولها، ونرى أحد الخبراء يذكر نوع القنبلة
 ومدى تأثيرها وتوقيتها .
الخبير : عبوة ناسفة فيها بل ومسامير وبارود
 صناعة يدوية!

القنبلة بها عدد يحدث تكاثر متتالية تبعث
 شعوراً بالرهبة على المكان .

اللواء مختار يمسح عرقه في قلق .
 يأتي فوزى حاملاً تليفوناً ومصباحاً مقترباً من
 اللواء مختار .

فوزى : واحد بيقول عاوز سعادتك في مسألة
 خطيرة !

مختار : خطيرة إيه دلوقتي يا فوزى !

فوزى : اسمه حسن العطار !

مختار : حسن العطار مين ؟

قطع



ماتيلدا : قول له الواد حيروح الجامعة إزاي ؟
إحنا خلاص جينا مصر .. سيبنا المنيا .. لازم
يشوف لنا حل .. !

بولس : قول له عاوزين ننقل ورق الواد جرجس
اللى هو عماد جامعة القاهرة .. ياعم إديهو لى
أكلمه أبوس إيدك .

قطع



السكرتير يقدم التليفون للواء مختار .
اللواء مختار يتحدث في التليفون .

اللواء مختار : آه .. أيوه أيوه .. حاضر ..
خلاص خلية يوم الأحد يروح يقابل عميد الكلية
.. ورقه ح يكون هناك .

قطع



بولس : أيوه يامختار بييه .. يعني يروح لعميد الكلية يقول له إنه عماد ولا جرجس ؟ . ما هي تفرق .. لو دخلت علينا الامتحانات وجرجس ما دخلش الامتحان وسقط .. وعماد هو اللي دخل الامتحان ونجح بناء عملنا إيه ؟ . ما أنا عارف يا سيادة اللواء .. عماد هو جرجس .. إنما .

بولس يتحدث في التليفون .

قطع



مختار : يا سيدى خلية بس يروح يحضر محاضراته بأى صفة وأناح أرتب كل حاجة!

نرى قلق اللواء مختار وهو ينظر إلى تكات القنبلة والمؤشر يتحرك .

قطع



بولس : معلش أنا بأتناقل عليك .. ولعلمك أنا
ما بارضاش أكلمك عشان عارف مشغولياتك ..
إنما أنا قلت الساعة دي تلاقيك رايق وفاضي
فقلت أكلمك عشان ترسينى أعمل إيه ؟


ماتيلدا : إديهولى أكلمه .

بولس : خدى .. المدام عاوزه تكلمك .

بولس يتحدث في التليفون .

بولس يعطي سماعة التليفون لماتيلدا .

قطع



مشهد : 66

نهار / داخلي

محطة مترو الأنفاق ..


موقع القنبلة

مختار : بس أنا .. أيوه .. أيوه يا ستي .. حاضر .. والله ما تقلقو من حاجة .. اطمئنى خالص ..

اللواء مختار مستاء ..

تكات القنبلة وقد بدا المؤشر فى اتجاه الزирولو ..

قطع



مشهد : 67

نهار / داخلي

بيت بولس

بولس : آهو الشملول صحي يا سيادة اللواء .. قضيبيها نوم .. تعالى يا جرجس اشكر عمك اللواء مختار ..

جرجس يدخل وقد بدا أنه يمسح عينيه .. ولتوه قام من نومه ..

قطع



مختار : خلاص خلاص يا أخ بولس .. والله العظيم ح أعملك اللي إنت عاوزه .. أيوه يا جرجس .. اطمئن يا حبيبي .. كل حاجة ح تمشي زى الفل !

الجميع يجرؤون فى فزع وأولهم اللواء مختار .
انفجار القنبلة .

فوزى آتياً وقد ظهر بشعره المنكوش وآثار هبّاب
القنبلة على وجهه سعيداً للغاية .

فوزى ، الحمد لله يا باشا .. القنبلة انفجرت
بنجاح وكلنا زى الفل بس الخبرير مش لاقين
دماغه .

قطع



أتوبيس الكلية .. الطلبة والطالبات .

جرجس جالساً .. فاطمة واقفة تحمل الكتب ،
والأتوبيس مزدحم .

جرجس ينظر لها مبسمًا .
فاطمة تبتسم له .

جرجس : مريم بنت الأستاذ مرقص !

فاطمة : إنت عماد .. مش كده !

جرجس : تعالى اقعدى .

فاطمة : خليك مستريح .

جرجس : لاً .. اتفضلى .. اتفضلى !

آداب انجليزى : مش كده !

فاطمة : أيوه .. وعرفت منين !

جرجس : بابا قال لي !

فاطمة : وإنـتـ صـيـدـلـةـ .. مش كـدـهـ !

عماد يندهش .

فاطمة تبتسم .

بابا قال لي برضه .

جرجس : أبهاتاليومين دول ما بتتبلاش فى

بـقـهـمـ فـولـهـ .

يضحكان .. الأتوبيس يصطدم بمطب يحدث
هزة .

عماد يسقط بجوارها جالساً .

فاطمة : خليك .. خليك .. الكرسى ي ساعنا

إـحـنـاـ الـاتـنـيـنـ .

قطع



الكاميرا تستعرض جامعة القاهرة من الساعة
والقبة لنرى وصول الأتوبيس أمام الجامعة .
تنزل فاطمة ونرى جرجس في الشباك .
ونظرة حانية وابتسامة جميلة منهما وهي تشير
له بعذوبة وبراءة .. وهو أيضاً .

قطع



أحمد متولى .. طالب زميل جرجس يعطيه بعض المذكرات .

أحمد : امسك يا عمه .. صورت لك كل اللي فاتك .

جرجس : ألف شكر يا بو حميد !

أحمد : على إيه يا عم .. الورق كتير بس النفس اللي تذاكر !

ناني : هاي يا أحمد !

أحمد : ناني .. أعرفك .. عماد حسن العطار زميلنا .. لسه منقول من جامعة عين شمس .
ناني : فرصة سعيدة .

تدخل فتاة جميلة .. ناني .
أحمد يتهلل وجهه فرحاً .

يسلم عليها .. يرى الصليب في رقبتها ..
جرجس : أنا أسعد !

قطع



ماتيلدا : ما تكلم الكنيسة بيعتولك فلوس يا بولس.. ما هم عارفين الظروف اللي إنت فيها؟!
بولس : ما أقدرش آخد فلوس ما اشتغلتش بيها يا ماتيلدا.

ماتيلدا : وبعدين ح نعمل إيه يا بولس؟! ربنا ينتقم من اللي كانوا السبب في الشحطة اللي إحنا فيها دى!

بولس : ح أشتغل يا ماتيلدا .. الشغل مش عيب.

ماتيلدا : خد دول يا بولس اتصرف فيهم .. مين له نفس يلبس دهب في الظروف دى؟!

ماتيلدا وبولس في قمة الإحباط والحزن.

بولس ينظر في إحباط إلى الحائط حيث معلقة على الحائط آية قرآنية : (وَقُلْ أَعْمَلُوا فَسِيرِي اللَّهُ عَمِلَكُمْ وَرَسُولُهُ وَالْمُؤْمِنُونَ) (التوبه: 105).

ماتيلدا تحضر شكمجية الذهب وتعطيها له.

نظرة امتنان من بولس.

قطع





محمود يخرج بعض الحللى الذهبية من كيس
ليعطى لهم لجورج .

محمود : إنت عارف يا جورج إنى أخذت المحل
اللى جنبك إيجار من وليم شحاته ، وعشان أفتح
وأوضب محتاج فلوس .

جورج : وتبيع الذهب ليه يا مرقص .. نوعاًوز
فلوس أنا تحت أمرك .. وأهونباه شركا .

محمود : لا .. أنا .. أصلى ماحبس الشراكة
يا جورج .

جورج : والله إنت حُري يا مرقص .

محمود : هو جرام الذهب بكام ؟
جورج : 195 جنيه .

محمود : مش قليل .

جورج : صدقى ده عشانك إنت يا مرقص ..
ده أنا ما خصمتش المصنعة .

جورج يبدأ في وزن الذهب .. تطلع في يده سلسلة
بها مصحف .. يندهش !
مرتبكًا .

إيه ده يا مرقص .. مصحف ؟!

محمود : لا .. ده .. أنا كنت أخذته كده خلسان
حق .

جورج يضع المصحف على الميزان .
يدخل بولس .

بولس : مساء الخير .

محمود : أهلاً ياشيخ حسن .. اتفضل .

جورج يبدو مستاءً بعض الشيء .

بولس : كان بس عندي حتين دهب عاوز
أتصرف فيهم يا جورج .

جورج : طيب أخلص الأستاذ مرقص .

محمود : لا والله .. خلص الشيخ حسن الأول
يا جورج .. أنا ما ورايش حاجة .

بولس : ما يصحش يا راجل .

جورج : هات يا أستاذ حسن .. ورينى .

يبدأ في وزن الذهب فتخرج سلسلة بها صليب .
مربيكاً .

إيه ده يا شيخ حسن .. صليب !
بولس : لا .. ده أنا كنت أخذته كده خلسان حق
.. هوه جرام الذهب بكام .

جورج : 155 جنيه .
ما أنا خصمت المصنوعية !

محمود ينظر نحوه مندهشاً .

قطع





جرجس وأحمد ونانسى فى المعمل بالباطو
الأبيض .

أحمد ونانسى يتبدلان النظارات فى المعمل
وعماد بينهما .. يرتدون البلاطى البيضاء .

جرجس : إيه يابنى .. فيه إيه؟
أحمد : خليك فى حالك يا عمة!

جرجس : إنت فيه حاجة بينك وبين نانسى؟
أحمد : أنا وهى بنحب بعض من سنة أولى .

جرجس : بتحبوا بعض إزاي؟ هى مش
مسيحية وإنتم مسلم؟
أحمد : أيوه .

جرجس : بس ده حرام .. قصدى يعنى آخرة
الحب ده إيه؟
أحمد : آخرته الجواز .

جرجس : لا يمكن .. ربنا ما يرضاش بكده
يا أحمد .

أحمد : إيه اللي حرمه .. الشرع بيسمح لنا
بكده .

جرجس : لأ .. الشرع عمره ما يسمح بكده
.. قصدى يعنى هى إزاي تقبل حاجة زى دى ..
هى اتجننت .. وإنـت فاـكـر إـنـ أـهـلـهـاـ حـ يـوـافـقـواـ ولاـ
الـكـنـيـسـةـ حـ توـافـقـ .. دـهـ الأـقـبـاطـ يـقـلـبـواـ الدـنـيـاـ!

قطع



أذان المغرب .. وقد وضع الطعام على التراييز
والشيخ محمود يأكل البلح .

محمود : اللهم إنى صمت وعلى رزقك أفترت .
زينب : صوماً مقبولاً يا محمود .

فاطمة : يا بابا مش كفاية صوم رمضان ونص
شعبان كمان اتنين وخميس .. ما تقدرش إنت
على كدها

محمود : صوموا تصحوا يا فاطمة . وبعدين
إنت فاكرانى عجزت .. ده أنا لولا الظروف اللي
إحنا فيها كنت اتجوزت على أمك ..

يضحكون .

يطرق الباب .. يفتح ليجد أمامه وليم شحاته
وبولس .. يرتبك .

محمود : أهلاً .. أهلاً .. إزيك يا أستاذ وليم
.. خطوة عزيزة ياشيخ حسن .. إيه المفاجأة
الحلوة دى .

بولس : إيه ده ؟ إنت لسه ما اتفديتش لغایة
دلوقت يا أستاذ مرقص .

محمود : اتقضلوا .. اتقضلوا معايا .

وليم : متشرker .. أنا صايم يا مرقص .. ما إنت
عارف الصوم الكبير .

محمود : طيب اتفضل إنت ياشيخ حسن .

بولس : أنا لسه فاطر يا مرقص .. المغرب
لسه مأذن .

محمود : ربنا يتقبل ياشيخ حسن .

ولييم : شوف بأه يا مرقص .. أنا ملاحظ إنك من ساعة ما أجرت منى المحل .. لا وضبته ولا عملت فيه حاجة !

محمود : الظروف صعبة شويةاليومين دول يا أستاذ ولييم .

ولييم : وإيه اللي صعبها .. لو معذور فى فلوس .. محلولة نجيب لك حد يشاركك وأهـو القفة أم ودـنـين يـشـيلـوـهاـ اـتـيـنـ .

محمود : ما هو جورج الجوهرجي كلمـنـى فى الموضوع ده .. وأـنـاـ قـلـتـ لـأـ ياـ أـسـتـاذـ وـلـيـمـ .

ولييم : جورج مـينـ ! أنا جـايـبـ لكـ شـرـيكـ تـانـىـ .. جـارـكـ الرـاجـلـ الطـيـبـ دـهـ .. الأـسـتـاذـ حـسـنـ العـطـارـ .

متدهشاً .

محمود : الشـيـخـ حـسـنـ .

بوـلسـ : المـهمـ يـكـونـ بـرـضاـكـ ياـ مـرـقصـ .

مـحـمـودـ : بـرـضاـيـاـ ! .. دـهـ أـنـاـ أـتـمـنـىـ ياـ شـيـخـ حـسـنـ .. هـوـهـ أـنـاـ أـلـقـىـ شـرـيكـ أـحـسـنـ مـنـكـ .

بوـلسـ : وـأـنـاـ لـيـاـ الشـرـفـ ياـ مـرـقصـ .

وليـمـ : يـالـلاـ حـطـواـ إـيـديـكـمـ فـىـ إـيـديـنـ بـعـضـ وـبـرـكـةـ رـبـنـاـ تـحـلـ عـلـيـكـواـ .

تـلاـقـىـ الـأـيـدىـ .

مـحـمـودـ يـتـمـمـ (ـهـامـسـاـ) بـقـرـاءـةـ (ـالفـاتـحةـ) وـبـوـلسـ يـتـمـمـ (ـهـامـسـاـ) بـقـرـاءـةـ (ـآـبـانـاـ الـذـىـ فـىـ السـمـوـاتـ) .

قطع



ل محل متهالك قد يتحول إلى مخبز ،
عمال يشتغلون .. وحسن ومرقص يتعاونان في
تحويل المحل إلى مخبز نظيف .. نرى لقطات
لهما .

يأكلان معًا فول وطعمية !
يمسحان العرق بعد تعب يوم طويل .
يضعان معًا على باب المخبز .

قطع



حسن ومرقص فى أروقة المكاتب ..
يروحان ويجهشان وفي يدهما الأوراق حتى ينتهى
بهما المطاف عند مكتب أحد الموظفين .

الموظف : نعم !
بولس : عاوزين إمضة سعادتك والله !
الموظف : موافقة على مخبز !
محمود : إن شاء الله .
الموظف : وإيه اللي جابكوا هنا .. إنتوا لازم
تروحوا المديرية .
محمود : ما إحنا لسه جايين من المديرية ..
قالولنا نيجى على هنا !
الموظف : وفين موافقة الأمن الصناعى ؟!

الموظف ينظر للأوراق بضيق .

حسن ومرقص ينظران لبعضهما بعضًا في يأس
وأحباط .

قطع



محمود : يا أستاذ ملاك إحنا دوخنا السبع
دوخات .. ودى سابع مرة نجييك وتبعدنا ..
وآخرتها !

ملاك موظف مسيحي .

بولس : إنت فاكر صورة العذرا اللي إنت
معلقها دى ح تدخلك الجنة؟! طول ما إنت معطل
مصالح الناس .. لا يمكن ح تورد على جنة!
ملاك : طيب إيه رأيك بأه عشان خاطرك إنت
.. أنا مش ح أمشيلك الورق .

منفعلاً .

محمود : ما يصحش يا أستاذ ملاك .. الشيخ
حسن أصله واقف على رجليه من صباحية ربنا ..
اهدايا شيخ حسن .. اهدا .. إن الله مع الصابرين.

قطع



نرى لافتة مخبز الإخلاص .. وطوابير العيش
 أمام المخبز .. سيارة نصف نقل تقف أمام
 المخبز .. ينزل منها السائق وهو يحمل شكائر
 الدقيق ويدخل إلى المخبز .
 السائق هو بدوى .. شاب فى الثلاثينيات من
 عمره .

قطع



بدوى يدخل إلى حيث الفرن .. والعجين .. ويضع الأشولة على جانب .. ونرى رزق (العجان) يقوم بعمله .. ويعجن الدقيق .

بدوى ينأوله سيجارة ملفوفة .

رزق يأخذ السيجارة ويس揆ها خلف أذنه .

بدوى : اصطباحتك عسل يا رزق !

رزق : سيبنى فى حالى ده أنا عميان من ليلة إمبارح .. مش شايف قدامى .

بدوى : يا عم هو إنت بيهمك .. أصحاب المخبز مدعينك آخر دلع !

رزق : هوه فين الدلع ده .. ده أنا كفران فى الشغل .

بدوى : كفاية عليك عمك مرقص .. لو عملت إيه مش حيرفك .. ما انتوا الاتنين قبط زى بعض !

رزق : مرقص .. أعود بالله .. ده كل يوم يمشيني والشيخ حسن هو اللي يرجعني !

قطع



بجوار المخبز (مخبز الإخلاص) يوجد محل جواهرجي جورج .. وعلى الناصية الأخرى سوبر ماركت قباء .

جورج يخرج من محله ذاهباً إلى محمود .

خامساً :

جورج : مبروك يا مرقص .

محمود : الله يبارك فيك يا عم جورج .

جورج : يعني لو كنت عاوز شريك في المخبز ما أنا كنت قدامك بdal ما تروح لواحد زى حسن العطار ده !

محمود : ماله حسن العطار !؟

جورج : أنا قصدى يعني .. تضمنه منين ده يا مرقص .. ده مسلم .. تسيب المسيحي اللي من دينك وتروح تشارك المسلمين .

محمود : خليك في حالك يا عم جورج .

جورج : عموماً أنا قلت لك وخلاص .. حرّص منه يا مرقص !

مصطفى : مالقيتش إلا مرقص تشاركه .. ده مسيحي .. شوف حسته اللي دفعها كام واديهاله ، وأنا أخش معاك عشان تحمل القرش اللي حيجيلك .

بولس : هوه إحنا بنشتغل في الحرام يا حاج مصطفى .. ده إحنا بنشتغل في العيش .. إحنا فاتحين مخبز بيرة !

مصطفى : عموماً إنت حُر .. اللهم بالفت .. اللهم فاشهد .. بس لجل الأمانة حرّص منه !

بولس بجوار السوبر ماركت صاحبه بزيبيه طاقية بيضاء ... الشيخ مصطفى السنى .

قطع



فى الصباح الباكر مقهى بجوار المخبز .
بدوى ورزق فى كورنر من المقهى .. يشربان
النرجيلة .. رزق يضع قطعة حشيش صغيرة على
الشيشة .. ويسرب ثم يعطى لبدوى .

رزق : دماغى ح تفترتك .. فيه حاجة كده مش
فاهماها بتحصل قدامى كل يوم!
بدوى : حاجة إيه؟!

رزق : عم مرقص ده مش عارف مسيحي ولا
مسلم!

بدوى : ده سؤال يا أهبل .. اسمه مرقص بيقى
إيه؟!

رزق : كل يوم بيجى يقرأ العجين أسمعه بيقرأ
قرآن!

بدوى : مرقص بيقرأ قرآن! .. إنت اتجننت
ياد إنت .. هو عشان ما هو مضائقك شوية ..
ح تطلعه مسلم .

رزق : المصيبة الثانية الشيخ حسن!
بدوى : ماله راخر .. طلع يهودى!

رزق : داخل عليه مرة لقيته بيرسم الصليب
على الحاجبين .. أول ما شافنى عمل نفسه
بيمسح عرقه!

بدوى : وله يا رزق .. بطل أبو صليبة اللي إنت
بتبلغه ده أحسن دماغك خلاص فوت!

قطع



طرق على الباب .

محمود يفتح الباب .. يظهر جورج مرتدِياً بدلة أنيقة وكرافات ، وأيضاً معه هانى ابنه مرتدِياً ملابس رسمية .

يحملان باقة ورد وشيكولاتة .

جورج : سعيدة يا مرقص يا خويا .

محمود : أهلاً يا جورج .. اتفضل .

جورج : معلش إحنا جينا فجأة كده .. بس إحنا أهل .

محمود : ده بيتك يا جورج .. ليه التعب ده !؟

جورج : ما إحنا ما باركناش ع المخبز .. ومصررين فى حنك يا مرقص .

محمود : ما تقولش كده يا جورج .. إزيك يا هانى !؟

جورج : إزيك يا عموم .

محمود : ما شاء الله .. عاوزين نفرح بهانى بأه يا عم جورج .

جورج : ما إحنا جايين نفرح بييه يا مرقص .

هانى : عم مرقص .. أنا يسعدنى ويشرفنى إنى أطلب إيد الآنسة مريم بنت حضرتك .

محمود : إنت بتقول إيه .. بنتى أنا !؟

هانى : أنا عارف إنها لسه ما خلصتش جامعة .

جورج : يا سيدى ح نعمل جبنيوت ونستناها لما تخلص .

مرقص لا يفهم شيئاً من الجملة .

محمود وكأنه صفع على وجهه .

صارخاً .

محمود : جبنيوت مين !؟

جورج : ما تهدا كده يا مرقص جبنيوت
وبعديها بأسبعين نعمل نص أكليل يلبسوا الدبل
وتأخذ شبكتها .. وهانى يستناها لحد ما تخاص
جامعتها وبعدين نعمل أكليل .

محمود : لا نص ولا ربع .. ولا جبنيوت .. أنا
بنتى مش ح تتجاوز دلوقت خالص .

جورج : إنت بتعمل كده ليه يا مرقص .. هوه
هانى ابني عيبه إيه !؟

محمود : ما ينفعش .. ما ينفعش يا جورج ..
والموضوع ده تشيلوه من دماغكوا خالص .

بولس : فيه إيه يا إخوانا .. صوتوكوا جايب آخر
الشارع .

محمود : تعالى إحضرنا يا شيخ حسن ..
الأستاذ هانى جاي يتتجاوز بنتى .. بنتى أنا !؟

جورج : وإيه الغلط فى كده يا مرقص وماله ..
إحنا داخلين من الباب .

بولس : إذا كنت يعني عاوز البت تكمل تعليمها
.. اعمل جبنيوت .

محمود : ده ح يقوللى جبنيوت برضه !

جورج : أنا مش عارف بيعمل كده ليه !؟

صارخاً .

بولس : خلاص .. خلاص يا عم جورج .. سيب
الموضوع ده عليا !؟ مرقص أصله عصبي شوية
اليومين دول .. مشاكل المخبز ما بتخلصش .

جورج : عموماً متشرkin يا مرقص .. ياللا
يا هانى .

بولس : إيه بس يامرقص .. هو الراجل قال
يتجوزها .. ده يعمل جبنيوت .

يخرجان ومحمود في قمة الضيق .

محمود : جبنيوت إيه يا شيخ حسن !؟

بولس : وانت إيه اللي مضايقك من الجبنيوت
يا مرقص !؟

قطع



جرجس وفاطمة طالعان إلى البيت .

فى نزول جورج وهانى .

هانى ينظر نحو مريم نظرة ذات مغزى .

بينما جورج يتكلم وهو فى قمة الضيق .

جورج : ده راجل غريب .. أنا ما شفتش حد
كده فى الدنيا .. ده إحنا نشكر ربنا إن الموضوع
ما تمش.. ح تناصب واحد زى ده إزاى بس؟!
هانى : أنا عارف عمل كده ليه يا بابا؟!

فاطمة تدهش لأنهما لم يسلما عليها .. يقتربان
من المحل .

قطع



هانى : العروسة مشغولة .. فيه حد مالى دماغها .

جورج : ما هو لو فيه حد كان أبوها قال .. ده رفض كده من الباب للطاق !

هانى : ما هو ما يقدرش يقول .

جورج : وما يقدرش يقول ليه !؟

هانى : عشان اللي مالى دماغها بيأه عماد ابن الشيخ حسن !

جورج : إنت بتقول إيه يا هانى ! .. هي مسيحية وهو مسلم .. إنت اتجننت !

هانى : هوه عم مرقص لما حب يشارك مش شارك الشيخ حسن وفضله عليك يا بابا .

جورج : الكلام ده خطير يا هانى .. بلاش تولع الدنيا !

هانى : الأيام حثبت إن أنا صحي !

هانى وجورج .

قطع



مشهد : 86

فجر / داخلي

بيت محمود

محمود ينتهي من الوضوء في الفجر خارجاً من
الحمام إلى الصالة .

أذان الفجر بصوت جميل يأخذ الألباب .

محمود : مش قادر أسمع صوت الأذان وأنا
قاعد هنا يا زينب؟!

الزوجة : ما تصلى هنا وآهورينا يقبل صلاتك
يا محمود .

محمود : الصلاة في الجامع وحشتني قوى ..
بالذات صلاة الفجر .. أنا ح انزل.

الزوجة : خللى بالك يا محمود لحد يشوفك
وإنت داخل الجامع!

محمود : ربنا هو المعين يا زينب .

الزوجة : طيب تنزل بشويس ما تعملش حس !

على باب الشقة .. محمود يتسلل خارجاً وهو
يحاول ألا يصدر صوتاً .

قطع



جرجس يكمل ارتداء ملابسه وهو في قمة التوتر .

بولس : ياللا يا جرجس .. ياللا !

جرجس : أنا جاهز أهوه يا بابا .

ماتيلدا : عاوزه آجي معاكو القدس !

بولس : خليكي إنتي يا ماتيلدا .. أنا وجرجس ح

نصاريك وح نولعلك شمعة في الكنيسة .

ماتيلدا : أوعى حد يشوفك يا بولس .. ربنا

يحافظ عليك .

جرجس وبولس ينزلان بهدوء .

قطع



بولس وجرجس يفاجئان بوجود محمود .. كلاهما يتوتران تماماً .

بولس : صباح الخير يا مرقص .

محمود : إزيك يا شيخ حسن .

بولس : إيه على فين العزم بدري كده !

أذان الفجر .

بيلع ريقه .

محمود : رايح .. رايح أصلى !

بولس : وإحنا كمان رايحين نصلى .. اتفضل .. اتفضل .

يخرجان من المنزل .

قطع



بولس : إنت بتروح القدس كل يوم يا مرقص؟!

محمود : نعم .. آه .. على قد ما بقدرا!

بولس : ربنا يديلك على قد إيمانك يا مرقص.

محمود : إنت ح تصلى الفجر فين يا شيخ
حسن؟!

بولس : فى الجامع!

محمود : أىوه .. فى أنهو جامع؟

بولس : أنا أصلى إنت عارف لسه ما أخدتش
على المنطقة .. هوه الجامع فين؟!

محمود : أهوه فى آخر الشارع هناك.

بولس : اللي قدام الكنيسة.

محمود : أىوه!

بولس : يبقى طريقنا واحد!

بولس ومحمد وجرجس يخرجون.

يمشيان .. وهما صامتان تماماً وقد لف الموقف
حالة من التوتر.

الكاميرا تستعرضهما من ارتفاع كبير فى
إحساس بالضياع.

قطع



بولس يقف أمام الكنيسة والجامع وبجواره جرجس .. ومحمود أيضا .. ثلاثتهم لا يعرفون ماذا يفعلون !

بولس : طيب .. ابقي صليانا يا مرقص .

محمود : افضل .. افضل يا شيخ حسن .. أحسن الصلاة بدأت .

بولس : ياللا يا جرجس .

جرجس : ياللا فين ؟!

بولس : ياللا يا جرجس .. ياللا !

وليم شحاته يرى مرقص يأخذه ويدخلان إلى الكنيسة ، وقد تورط كل منهما في الدخول . هامساً .

نرى الشيخ مصطفى السنى ورجاله داخلون إلى الجامع يرون الشيخ حسن .

يأخذه من يده بعنف متوجهان إلى الجامع .. يدخل محمود إلى الكنيسة وبولس وجرجس إلى الجامع .

قطع



الإمام ينهى الآية ثم يبدأ في الدعاء .

الإمام : (وَتَجَدَنَ أَقْرِبَهُمْ مَوَدَّةً لِلَّذِينَ آمَنُوا إِذْنَينَ
قَالُوا إِنَّا نَصَارَى ذَلِكَ بِأَنَّ مِنْهُمْ قَسِيسِينَ وَرُهْبَانًا
وَأَنَّهُمْ لَا يَسْتَكْبِرُونَ) (صدق الله العظيم)
(المائدة : 82).

بولس داخلاً هو وجرجس يخلعان الحذاء ، وهما
فى قمة التوتر .

الإمام : اللهم أهدنا فيمن هديت ، وعافنا
فيمن عافيت ، وتولنا فيمن توليت ، وببارك لنا
فيما أعطيت ، وكف عننا اللهم شر ما قضيت .
الجميع : آمين .

بولس يرفع يده ! .. جرجس ينظر نحوه ولا يعرف
ماذا يفعل !

بولس : يارب الحال فى كل مكان والمالئ كل
مكان ولا يحويه مكان .. اسمع صلاة ابنك بولس
.. ماتسبنيش ولا تتخلى عنى .

قطع



القس : ليترأف الله علينا ، ويرحمنا ، ويظهر وجهه علينا ، ويباركنا بالصلوات والطلبات التي ترفعها عنا العذراء القديسة مريم .. امضوا سلام .. سلام الرب معكم .
الجميع : ومع روحك أيضاً .
محمود : اللهم ألف بين قلوبنا ، وأصلاح ذات بيتنا ، وأهدنَا سُبُلَ السَّلَامِ ، ونجنا من الظلمات إلى النور .

القس يوعظ في الكنيسة .

بصوت عال .
دعاة محمود .

قطع



منظر عام للكنيسة والجامع والشارع .

قطع



- | | |
|------------------------|-----------------------------|
| أحدهم : يتقبل الله . | المصلون يسلمون بعد الصلاة . |
| الآخر : منا ومنكم . | أحدهم يسلم على بولس . |
| أحدهم : تقبل الله . | أحدهم يسلم على جرجس . |
| بولس : منا ومنكم! | يغمغم بكلمات غير مفهومة . |
| أحدهم : يتقبل الله . | هامساً . |
| جرجس :! | فى خوف . |
| بولس : إنت بتقول إيه؟! | |
| جرجس : أنا عارف! | |

قطع



فاطمة وجرجس على دكة في حديقة في الحرم الجامعي .

جرجس : فيلم جامد .. جامد (حين ميسره)
.. اسمعى كلامى نروح نشوفه من ثلاثة لستة ..
وسمية مبدعة في الفيلم .. لابسة بدلة رقص
حكاية .

فاطمة : ومين البطل قدامها ؟

جرجس : غادة عبد الرازق ؟

فاطمة : بقولك البطل اللي بتحبه !

جرجس : ما هى بتحب غادة عبد الرازق في
الفيلم! .. ما هو ده الجديد .. أنا أصلى بحب
السينما قوى.. مفيش فيلم ينزل إلا لازم أشوفه .

فاطمة : طيب أخلص المحاضرة اللي عندي
وأجيلك .

فاطمة تمضي وعماد ينظر في أثرها معجبًا .

عماد يلتفت ليجد خلفه أربعة طلبة اثنين ملتحين
واثنين غير ملتحين ، وبيبدو أنهما من الجماعات
الإسلامية الموجودة في الجامعة .

شاب : السلام عليكم ورحمة الله برకاته .

شاب 1 : الأستاذ عماد حسن العطار .

عماد : أيوه .

شاب 2 : ابن الشيخ حسن العطار .

مرتبكًا .

مرتبكًا .

عماد : أيهه .

شاب 1 : دوختنا وراك يا شيخ ؟

عماد : أيهه ؟!

الشاب : أنا عبد النبي طه .. مقرر أسرة شباب
الإسلام .

عماد : أيهه .

الشاب : إنت عارف يا أستاذ عماد إن انتخابات
اتحاد الطلبة الأسبوع اللي جاي .. واحنا بنكون
الكواهر اللي ح تكمل المسيرة بتاعتنا من بعدها .

عماد : أيهه .

الشاب : إحنا عاوزينك معانا .

عماد : أنا تحت أمركموا .

الشاب : وعاوزينك ترشح نفسك من خلالنا
في أسرة شباب الإسلام .. وأظنه اسم الوالد
الشيخ حسن العطار كفاية عشان نضمن نجاحك
ونجاحنا .. قلت إيهه ؟!

عماد يطلق ساقيه للريح .

قطع



كل منها يلقى نكتة للأخر .
ينفجران فى الضحك .

أثناء الضحك تقف سيارة من مباحث التموين .
ينزل منها ضابط وبعض الجنود وخمس أفراد ..
3 مفتشين وواحد من الصحة وواحد من الغرفة
التجارية .

محمود وبولس يقنان .
يدخلون على المخبز .
بولس ومحمد الاثنان معاً .

الضابط : مين اللي مسئول هنا فى المحل ؟
الاثنان : أنا !

الضابط : اعمل محضر غلق وشمع المخبز ..
واقبض على مدير المحل .. مين فيكوا المدير ؟
الاثنان : أنا !

محمود : لا يا باشا .. أنا المدير !
بولس : لأ يا حضرة الضابط .. أنا المسئول
هنا !

الضابط : ما تتعازموش قوى على بعض .. دى
قضية فيها حبس وغرامة .. اتقضلوا معايا !

بولس ومحمد يطلعان إلى البوكس .

قطع



بولس و محمود فى البوكس .
بولس : آلو .. أكلم مختار بيه .. أنا حسن ..
حسن العطار !

قطع





كردون عساكر والكويرى واقفًا وحالة تأهب أمنى
قصوى لمرور شخصية مهمة .

اللواء مختار واقفًا بنفسه فى الإجراءات الأمنية
.. عسكري (فوزى) يقترب منه وفى يده موبايل .

العسکرى : تليفون يا باشا .
مختار : ده وقته يا فوزى .. إحنا فى إيه والا
فى إيه ؟

العسکرى : ده واحد اسمه حسن العطار بيقول
إنه يعرف سعادتك وعاوزك فى حاجة خطيرة .
مختار : نعم !

حسن مين ؟! مخبز إيه ؟ أنا مش فاهم منك
حاجة .. آه .. بولس .. إنت فين ؟!
يأخذ التليفون .

رد فعل على وجه العسکرى فوزى حين يسمع
اللواء يقول بولس .

قطع



بولس : أنا فى البوكس يا باشا طالعين
على قسم روض الفرج .. أنا عارف المشاغل
يا سيادة اللواء .. كان الله فى عونك .. بس
مكالمة من سعادتك للقسم عشان يخرجونا ربنا
يحافظ عليكوا .

بولس يتحدث في المحمول .

قطع



محترار : اطمئن يا بولس .. مفيش أى مشكلة ..
ح ترجع البيت حالاً .

محترار يتحدث في المحمول .

محترار يغلق التليفون ويعطيه للعسكري فوزى .


قطع



محمود : قول له مرقص .. مرقص ملاك ..
هوه عارفتى .. سعادتك قول له بس إنى عاوزه
فى مسألة خطيرة !

محمود يهمس فى التليفون .

قطع





مختار : مرقص مين .. ما أنا لسه رادد عليه !
العسكري : لا يا فندم .. ده كان اسمه حسن
 وسعادتك قلتله يا بولس .

مختار : مرقص .. اديهولى .. أيوه يا شيخ
 محمود .
 آلو .. فى البوكس .. مخبز .. إنت مش لسه
 مكلمنى !
ضابط : الموكبوصل يا باشا !

مختار يتكلم مع العسكري فوزى .
 رد فعل على وجه العسكري فوزى .

يمر ضابط مسرعاً .
 مختار يعطى التليفون مسرعاً بعد أن يغلقه
 لفوزى .. يمر الموكب .. يعطى التحية العسكرية
 للسيارة التي تمر .

قطع



جرجس وفاطمة وأحمد ونانسى يشاهدون فيلم « حين ميسرة » وكلهم منفجرون فى ضحك هيستيرى .. جرجس وأحمد يجلسان على الأطراف وبينهما تجلس فاطمة ونانسى .

أشاء الضحك .. الذى يصل إلى الدموع .. تتلاقى النظرات بين جرجس وفاطمة .. نظرات تشي بالحب البريء الجميل .
أحمد ونانسى يلحظان ذلك .. يبتسمان وقد فهموا الموقف .

يتحركون للخروج .. تتلاقى الأيدي بين جرجس وفاطمة .. وتبعد فاطمة مسترية لهذا اللقاء الناعم وتترك يدها فى يده .

قطع



من يد جرجس وفاطمة المتشابكتين إلى يد
بولس ويد محمود المقيدتين في كلابش ، وهما
جالسان على دكة أمام مكتب الضابط في القسم
وكل منهما ينظر بمرارة إلى الموقف .


الضابط : وديلى الاتنين دول ع الحجز عشان
بكره يتعرضوا على النيابة .

للسول .

الصول : ياللا يا خويا إنت وهو .. ياللا .

بولس ومحمد يقومان إلى الزنزانة .

قطع





جرجس وأحمد ونانسى وفاطمة خارجون من السينما بين المترججين. جرجس يعطى أكياس الفيشار والعصير لفاطمة ونانسى .. وأحمد أيضاً.

جرجس يعطى فاطمة الفيشار في فمهما ، ثم يأخذه بداعبة رقيقة .. ويمكن أن نرى هانى يلتقط لهما صورة Fix . جانبًا لنانسى .

فاطمة : فيلم يجنن .. يجنن .

نانسى : الفيلم بس اللي يجنن !

فاطمة : إنتي تقصدى إيه !

أحمد : قصدى يعني هو حرام علينا وحلال عليك يا عم عماد !

جرجس وأحمد يتهامسان .

جرجس : إنت تقصد إيه !

أحمد : مريم !

جرجس : مالها !

أحمد : هى مش برضه .. مسيحية !

جرجس : مابيشش بأه يا عمة .

يشير بيديه إلى الصليب .

جرجس : لا .. لا .. الموضوع هنا مختلف .

هانى خارجاً من السينما دون أن تراه فاطمة ولا جرجس .. وقد بدا أنه يراقبهما ويلتقط لهما صورة .

قطع



نانسى وأحمد فى تراييز وقد تشابكت أيديهما .
ثم نرى فاطمة وجرجس بعد أن وضعت أمامهما
البيتزا وأكلا والجرسون يحمل الأطباق .
ثم نرى يد جرجس تحاول أن تلمس يد فاطمة .
ثم نرى هانى يلقط لهما الصورة . والأيدي تتشابك

قطع



قطع من يدي فاطمة وجرجس المتشابكين إلى
يدى بولس و محمود المتشابكين « بالكلابش »
محمود نائماً على الحائط وقد أنهكه التعب
وحسن نائماً فى حضنه عليه .. ملقى جسمه كله
عليه .. والاشان يشخران بصوت عالٍ .. أحد
المجرمين يوقفهما بعنف .

بولس و محمود يستيقظان مفروعين .

المتهم : ما كفاية بأه يا أخينا إنت وهو .. فرقـة
مزيكا .. فلقتوا دماغـنا .. مش عارفين ننـام .

مـحمدـونـ : ياـاه .. أناـ ماـ حـسيـشـ بـنـفـسـيـ !

بولـسـ : دـهـ أـنـاـ بـكـلـمـكـ لـقـيـتـكـ وـقـعـتـ مـنـىـ !

مـحمدـونـ : حـلـمـتـ حـلـمـ غـرـيبـ ياـ شـيـخـ حـسـنـ !

بولـسـ : خـيرـ ياـ مـرـقـصـ .

مـحمدـونـ : حـلـمـتـ إـنـىـ بـابـصـ فـىـ المـرـايـاـ لـقـيـتـ
واـحـدـ تـانـىـ غـيرـىـ مشـ أـنـاـ .. وـاحـدـ غـرـيبـ عـلـيـاـ ..
وـكـلـ الـلـىـ حـوـالـيـهـ مـاـ عـرـفـونـيـشـ وـلـاـ أـنـاـ كـنـتـ عـارـفـ
نـفـسـىـ .

بولـسـ : اللهـ ! دـهـ أـنـاـ حـلـمـتـ نـفـسـ الـحـلـمـ ..
ليـكونـواـ فـىـ السـجـنـ هـنـاـ بـيـصـرـفـواـ حـلـمـ وـاحـدـ لـكـ
الـمـسـاجـينـ !

الـشاـويـشـ : حـسـنـ وـمـرـقـصـ .. حـضـرـةـ الـظـابـطـ
عاـوزـكـواـ .

يدـخـلـ الشـاـويـشـ .

قطع



بولس : بس .. بس ما تعمليش كده .. إنشاء الله
خارجين .. أنا مش عاوزك تقلقى !
محمود : وبعددين .. كفاية عياط بأه .. قُلْ لَنْ
يُصِيبَنَا إِلَّا مَا كَتَبَ اللَّهُ لَنَا .

هُما مش فى القرآن الكريم بيقولوا كده يا شيخ
حسن؟

بولس : ربنا يقوى إيمانك يا مرقص !
محمود : عماد .

جرجس : أيوه يا عم مرقص .
محمود : إنت دلوقتى راجل البيت يا عماد ..
خللى بالك منهم !

جرجس : دول فى عينيا يا عم مرقص .
الضابط : آلو .. أيوه يا باشا .. سيادة اللواء ..
تمام يا فندم .. أؤمر يا باشا .. حسن ومرقص
.. هما قدامى دلوقت .. أؤمر يا باشا .. عُلم
وينفذ معاليك .
إفراج .

بولس ومحمد يدخلان ليجدا أسرتهما .
بولس يلقى بنفسه فى حضن ماتيلدا .. ثم يحضن
فاطمة بنت محمود .

ومحمد يلقى بنفسه فى حضن فاطمة لقاءً حارًّا
.. النساء يبكيين .. عناق بين الأسرتين .

لزينب .
بولس ينظر نحوه مندهشاً .. ومحمد يتدارك
الموقف .. متربداً .

جانباً .

يرن التليفون .
بولس ومحمد ومايلدا وجرجس وفاطمة وزينب
يتوقفون .
يضع التليفون ثم ينظر لهما مبتسمًا .

قطع



أكواب الشاي الأخضر والقرفة للنساء كما تقدم
فى الفيشاوى فى البراد الأبيض الومنيا .
والأستان جالستان فى سعادة غامرة .. ومطرب
يعزف على العود أغنية عبد الحليم حافظ (إنتى
فيين وأنا فيين) .

صوت عبد الحليم : إنتى فيين وأنا فيين جيت
لى منين ..

مرقص : أنا قلت نقعد فى الفيشاوى عشان دى
أحسن حته بحب آجى أقعد فيها يا شيخ حسن ..
جوها حلو .

بولس : واللهى يا مرقص يا خويا .. قعدتنا
جنب بعض على البرش كانت من أمتع الأوقات
اللى قضيتها فى حياتى .. أنا بافكر كل ويك إند
نعملها !

زيتب : ربنا ما يعودهاش تانى يا شيخ حسن!
محمود : ده كابوس .

ماتيلدا : إحنا جايين نحتفل بخروجكم
بالسلامة .. اقفلوا الموضوع ده بأه !

الأغنية : نظرة عين
إلى آخر الكوبيليه !

محمود : ولا إيه يا مريم !

نظرات بين جرجس وفاطمة .

يضحكون .

فى نفس الوقت كان المطرب قد وصل فى الأغنية
إلى كوبيليه .

فاطمة وجرجس ينظران إلى بعضهما نظرات

حب .. يلاحظها بولس ومحمود.

فاطمة : أيوه يا بابا .

محمود : إنتي فين يا بنتي .. إنتي مش معانا
ولا إيه ؟

فاطمة : لا .. بس سرحت شوية .

بولس : إيه يا عمه .. ورحت فين إنت كمان !

جرجس : الأغنية أصل كلامها حلو قوى ..
إنتي فين وأنا فين إيه !

فاطمة : والأيام دى كانت غاية عنى فين ؟!

الشاب : جرجس !

بولس : جرجس مين ؟!

الشاب : جرجس .. إيه يابنى .. إنت مش عاوز
تكلمنى .. إنت بتدور وشك منى !

بولس : جرجس مين يابنى .. ده مش جرجس

الشاب : إيه يا جرجس ؟

جرجس : يا عم ما قالك أنا مش جرجس ..

الشاب : إزاي بس .

بولس : إزاي إيه ؟ .. هوه كده .. دى فيها فصال
.. اتفضل بأه .

بولس : أما والله دى حاجة عجيبة .. الناس
يا أخي ما تصدق تشو夫 واحد فيه شبه من حد
تعرفه يجري عليه وإزيك يا فلان .. غريبة ..
بحصل كتير .. ياما حصلت معايا .. أبقى ماشى
فى الشارع ألاقي واحد راح واحدنى بالحضن
وهات يا بوس .. يا عم أنا مش هوه .

شاب جالس مع أسرته .. رجل وقول وسيدة ..

ينظر فيجد جرجس .. يقوم مسرعاً نحوه .

جرجس ينظر بفوفة .. ثم يدير وجهه فى فلق .

الشاب يأتي .. بولس يحاول إنهاء الموقف .

بولس يدفع الولد بعيداً فيذهب إلى حيث تجلس
أسرته مندهشاً .

الرجل والولد الشاب يتأمل بولس وهو يتكلم ..
ثم يقوم مسرعاً نحوه .
بولس يفاجأ .

الرجل : بولس .. الأخ بولس .
بولس : أهوه .. لسه كنت باقولكوا إيه ؟ مش ح
نخاص النهاردة !
الرجل : إنما أنا يا أخي بولس .
بولس : يا عم مش أنا .. مش أنا ؟ !

الرجل يمضى متشككاً ومرقص بدأ يتشكك هو الآخر .

يدخل الشيخ بلال معه زوجته منقبة وابنه الصغير إسلام إلى المقهى .. ثم فجأة يلمح الشيخ حسن .

لال : لا .. لا .. أنا زعق لى نبى .. ثلاثة بالله العظيم أنا ربنا بيحبنى ..شيخ حسن .
جرجس : الله أكبر .. تعالى ياشيخ بلال ..
تعالى فى حضنى ياشيخ بلال .
لال : بأه ده كلام يا راجل .. تسيينا كده ياشيخ حسن من غير لا سلام ولا كلام .
إزيك يا عماد .. إزيك يا أم عماد .. إزيك ياشيخ حسن !

بلال يجري نحوه ويعانقه .
زوجة بلال تعانق ماتيلدا .. والشيخ حسن يأخذ إسلام على رجله .
يبدو الارتياح على وجه محمود

والله ياشيخ حسن ومالك عليا يمين من يوم ما سبت البيلد وزى ما تقول الرزق اقطع فيها .. وكآبة على وشوش الناس .. تصدق أنا جاي أزور سيدنا الحسين وأدعى وأقول ربنا يعترنى فيك ياشيخ حسن .. أهو الحسين بركاته حلت .. إزيك ياشيخ حسن ؟ !

بولس : ده إنت اللي بركاتك حلت ياشيخ بلال .
محمود : طيب أسيبك خمس دقائق ياشيخ حسن مع الرجال الطيب ده وجاي علطول .

بولس : على فين؟

محمود : ح أزور حبيبي واحشنى قوى بقاله
فترة مارحتوش .


بلال : إنما يطلع مين الرجال البركة ده يا شيخ
حسن .

بولس : ده أخويا وحبيبي مرقص عبد الشهيد .

بلال : مرقص!

منزعجاً.

قطع





محمود : الفاتحة .. بسم الله الرحمن الرحيم ..
 (الحمد لله رب العالمين الرحمن الرحيم مالك
 يوم الدين إياك نعبد وإياك نستعين أهدا
 الصراط المستقيم صراط الذين أنعمت عليهم
 غير المغضوب عليهم ولا الضالين) .


أمين .

بلال : يا سبحان الله .. شفتى يا أم إسلام
 .. الشیخ حسن ده راجل برکة .. خالى مرقص
 المسيحي يدخل المقام ويقرأ الفاتحة لسيدنا
 الحسين .. شفتى قوته .. شفتى جبروته .

محمود أمام مقام الحسين يدعو بعض الأدعية
 في خشوع وابتهاج .

يدخل بلال مع زوجته ليقرأ في المقام ، وهو يقرأ
 ينظر ليجد محمود يقول بعد أن ختم الفاتحة .
 فيندهش جداً .

قطع



هانى : أهيه .. أهيه يا بابا عشان تبأه تصدقنى .. عشان تصدقونى كلکم .. أنا ما بفتريش على حد .. رايحين جايين مع بعض ومقرطسينا كلنا .

وليم : عيب يا هانى .. محدش يقول كلمة على الأستاذ حسن وابنه .. دول ناس فوق مستوى الشبهات .

جورج : اسمع يا وليم .. الرجل اللي اسمه حسن ده لازم يمشى من العمارة .. هو أوس الفساد .

وليم : يا إخواننا مقدرش .. مقدرش .. الرجل ده جمايله مفرقانى .

جورج : ترميله عفشه ويطلع من العمارة يا وليم .

مصطفى : هو مين اللي ترميله عفشه وتطرده يا جورج ؟!

جورج : خليك فى حالك إنت يا شيخ مصطفى .

مصطفى : أخلينى فى حالي إزاي ؟ .. هو أنا مش معاكوا هنا فى الشارع .. اللي حيقرب من الشيخ حسن ح أقطع خبره .. إنتوا فاكرين إيه ؟ اشتريتونا .. الشيخ حسن ح يقدر فى شقته غصب عنكو وعن اللي خلفوكوا .

يوسف وجورج وهانى ووليم شحاته وبعض جيران العمارة .. يوسف يوزع عليهم صور عماد ومريم .

فى قمة الحيرة .

مصطفى السنى وبعض الرجال يسمعون ذلك ويهمسون له .. فيأتى مسرعاً .

هانى : اتكلم كوييس يا عم مصطفى .
مصطفى : بس ياد إنت .. أما الكبار يتكلموا العيال تتحرس !

جورج : إنت راجل مش محترم .
مصطفى : أنا مش محترم يا سافل يا قليل الأدب .

تبدأ مشاجرة عنيفة بين فريق مصطفى السنى وفريق جورج الجواهرجي .

الأستران عائدتان إلى الشارع الذى أصبح مشتعلًا بسبب التشاجر بين المسيحيين والمسلمين .

الشيخ مصطفى السنى وأعوانه وجورج يوسف وأعوانه .

هانى : أهم جم .. قدامكوا جايين مع بعض يا إخواننا .. يعنى متتقين .. الشارع والущ وهما خارجين يسهروا مع بعض !

جورج : لم عزالك وامشى من هنا يا أستاذ حسن .

بولس : وإنْت بتكلمنى بصفتك إيه يا جورج ؟
أنا مش ساكن عندك .

وليم : ما يصحش يا جورج .. يا إخواننا اهدوا .
مصطفى : اطلع شقتك يا شيخ حسن والراجل منهم يقرب لك !

محمود : هو فيه إيه يا إخواننا .. إيه اللي حصل ؟!

هانى : أسأل بنتك يا عم مرقص .
محمود : بنتى .. مالها بنتى يا هانى ؟!
جورج : بأه ترفض هانى ابنى اللي اتقدم لها ورايحة تحب واحد مسلم !
محمود : اخرس إنت بتجييب سيرة بنتى !

محمود يتصدى لجورج .. هانى يقف أمامه
للدفاع عن أبيه .

جرجس يتصدى للدفاع عن محمود .. هانى
يهاجم جرجس .

مصطفى ورجاله يتخلون .. تحدث معركة فيها
تكسير المخبز .. وتسقط لافتة مخبز الإخلاص
وتدوسها الأقدام . والمعركة تنتهى بضربة قوية
على رأس جرجس يسقط مضرجاً في دمائه .

ماتيلدا : ابني !


ماتيلدا تصرخ .

قطع



توتالة عامة للمستشفى من الخارج .
مستشفى متوسط الحال من مستشفيات شبرا .

قطع





الطيبب : لا .. ما شاء الله يا عماد .. الظاهر إن الدم اللي اداهولك الأستاذ مرقص فيه الشفا .. إنت تقدر تروح .. مش ضروري تبات في المستشفى .
ماتيلدا : الولد كان ح يروح مننا .. نزف كتير وفصيلة دمه كانت نادرة لولا ربنا بعث لنا الأستاذ مرقص وطلعت فصيلة دمه نفس الفصيلة .. كُنا عملنا إيه ؟!

ترىزا : أشكري ربنا يا أم عماد !

بولس : دينك ده ح يفضل في رقبتي طول عمرى .. يامرقص ياخويا .

مرقص : عماد ابنى ياشيخ حسن .

جرجس : أنا متشكر قوى يا عم مرقص .

عم مرقص .. أنا فيه حاجة مهمة لازم أقولها لك .
إحنا مش ..

بولس : إحنا مش عارفين نُعبر عن اللي جوانا تجاهك يا مرقص .

جانيت : سلامتك !

الطيبب بعد أن قاس الضغط لعماد .
أم فاطمة تعطيه الزبادي .. وما تيلدا تغير له الشراب .. وفاطمة جالسة في صمت ودموع في عينيها .
يخرج الطبيب .

يدخل بولس وينظر لابنه مبتسمًا ومعه محمود ووليم شحاته .
لمرقص .

بولس في يده كيس الدم .
جرجس ينظر إلى محمود في إرهاق ووهن وامتنان .

محمود يذهب إلى عماد النائم في السرير ، ثم يجلس بجواره ويقبل رأسه بحنون بالغ .. ويربت على شعره .

رد فعل على وجه بولس وما تيلدا يزغران لعماد .
بولس ينقذ الموقف .

تدخل جانيت بالورد .

قطع



ماتيلدا وجرجس يحضران الحقائب .. وهما في
قمة التوتر .. وبولس جالساً يصلى .

جرجس : جورج الجواهرجي وابنه هما اللي
عملوا كده .. هما اللي ولعوا الخناقة وكبروا
المشكلة !

بولس : إحنا خلاص مالناش عيش في الشارع
د ٥ !

ماتيلدا : ح نفضل متشحططين كده علطول يا
بولس .

بولس : إحنا نشكر ربنا يا ماتيلدا إنه أنقذ
ابننا من الموت .. أنا اللي صعبان علياً مرقص
.. ذنبه إيه؟! هو ينقد ابننا وإحنا نكون السبب
في إنهم يشهووا سمعة بنته !

ماتيلدا : وأم مريم ح توحشنى قوى.. أنا
حبيتها زى ما تكون أختي شقيقتنى.

قطع



محمود : كل ده بسبب مصطفى السنى بتاع السوبر ماركت .. ذنبه إيه الشيخ حسن يا زينب .. راجل فاضل وتقى .. عاوزين يطردوه من الشقة هوه ومراته وابنه ، وكانوا ح يموّتوا الواد اللي حيلته !

زينب : إحنا فعلاً مالناش قعاد فى العمارة دى يا محمود !

فاطمة : يعني ح نمشى ونسيبهم يا بابا من غير ما نسلم عليهم !

زينب : أم عماد ح توحشنى .. والنبي يا محمود ما شفت جارة زيّها أبداً .

محمود لزوجته وهي تحضر الحقائب مع ابنتها فاطمة .

قطع



السيارة واقفة وهم بجوارها بعد لف وبحث عن
مكان يأوي الأسرتين .

ماتيلدا تهمس لبولس .

يرد على زينب :
سيارة بدوى تموٌن من البنزينة .

الأستان جالستان فوق السيارة ، وقد بدا عليهم
الإرهاق .

بولس : مالك يا حبيبي !

جرجس : مالى يا بابا .. أنا باعيش أسعد
لحظات حياتي .

بولس : أسعد لحظات حياتك إزاي ؟!

جرجس : عشان سيبنا جانيت بنت وليم شحاته .

بولس يضحك .

بدوى آتيا وهو يتكلم فى الموبايل .

بدوى يذهب إلى محمود وبولس .

بدوى : خلاص فرجت يا عم حسن .. كلمت
كيمو صاحبى .. واد إسكندرانى سمسار شقق
ما جابتلوش ولادة .. شقة مطربين وفسحة ..
أول داير فى محرم بيه بآلف وخمسمية جنيهه فى
الشهر .

محمود : إحنا ما لقيتناش شقة يا بدوى .

بدوى : كويس اللي عترنا فى دى يا عم مرقص
.. أديكو قاعدين مع بعضيكوا لحد ما نشوف
حاجة تانية .

قطع



على السفرة .

جرجس وفاطمة يضمان ترابيزتين صغيرتين
إلى بعضهما بعضاً .

أم فاطمة وأم جرجس وفاطمة وجرجس يخرجون
من البلكونة .

زيتب : حالاً .. أدولفوكوا الملوخية بتاعتي وما
دام إحنا فى إسكندرية عملها لكوا بالجمبرى .
محمود : ملوخية أم مريم علامه مسجلة !
بولس : لاً .. انزلى بالبامية يا أم عماد .. إحنا
ح نسكت لهم !

جرجس : خللى بالك .. أمى ما بترحمش ..
فى البامية ما بتعرفش أبوها !
فاطمة : معلش بأه .. مش زى ملوخية ماما .
بولس : إيه .. إنتوا ح تقلبوها فتنة ياد إنت
وهيئه .

يضحكون .

ديزولف .

العائلتان تأكلان فى سعادة .

يأكل الملوخية بسعادة .

محمود : ما هى الملوخية دى هى اللي جوزتني
أم مريم .. كان أبوها عازمنى ع الغدا يا دوب
خدت لقمة من الطبق .. قلت له مين اللي عامل
الملوخية دى قال لى بنتى .. قلت له نعمل جبنيوت .

يضحكون .

ماتيلدا : إيه ما كلتوش البامية بتاعتي دى زى
ما هيه !

زيتب : زى ما هيه إيه يا أختى ده إحنا مش
مسحنا الحلة .. إنتى حاطة فيها إيه .. زبدة ؟!

ماتيلدا : لا .. دى حتى بالزيت .

زيتب : اتعلمنى يا مريم من طنط !

ديزولف .

قطع



مشهد : 120

ليل / داخلي

شقة الإسكندرية ..

أمام التليفزيون

فيلم غزل البنات فى التليفزيون .. مشهد لقاء
الريحانى بسليمان نجيب (الباشا) يرتدون
ملابس البيت .. ومنفجرون فى الضحك ..
وأمامهم لب وسودانى وترمس فى أطباق .

زينب : كل مرة أشوفه أموت من الضحك ..
مش ممكن!

محمود يضحك .. حتى يكح كحة طولية .. بولس
يعطيه كوب ماء .

محمود : مش معقول الراجل ده .. عجيب ..
تشوفه تضحك علطول .. من غير ما يتكلم !
بولس : إنت عارف نجيب الريحانى ده كان
بيكتب له واحد اسمه بديع خيرى!

تدخل زينب بالشاي وتوزعه عليهم فى جو أسرى
جميل .

محمود : ده مسيحي !

بولس : ما هو الريحانى كان فاكر كده
.. لما راح يعzieh فى أمه لما اتوفت لقى
صوان وقرآن . استغرب .. قال له هو إنت
مسلم يا بديع .. قال له آه .. قال له يعني
ما قولتليش .. قال له ما إنت ما سألتنيش !

محمود : هو الريحانى كان مسيحي ؟!

بولس : طبعاً يا مرقص .

ملامح محمود .

الريحانى كوميدى جداً ..

محمود لا يضحك .. ولا زوجته ولا فاطمة !
ينفجر بولس فى الضحك هو وجرجس وما تيلدا
.. ثم ينظر بولس مستغرباً !

ديزولف .



بولس : إيه الحظ ده يا مرقص .. تعوز الدش
يجيلك .. ده إنت قسيس عامل لك عمل ودافته
في دير.

محمود وبولس يلعبان الطاولة .

بولس : فين الدوسة بأه.. الدوسة.. آدى الدوسة.

يلعب مرقص بحماس .

محمود : ده إنت زعق لكنبي ياشيخ حسن ،

بولس : العب .

محمود : الدوش أهوه .

بولس : إنت بتقرص يا مرقص .

محمود : باقرص إيه ؟ آهو الزهر قدامك .

بولس : إنت .. ده إنت كافر في اللعب !

يلعب مرقص بحماس .

يضحكان ويغلقان الطاولة .

محمود وبولس في التراس وحدهما وقد أشرقت

الشمس .

بولس : تعرف يا مرقص أول ما جيت سكت
جنبك وليم شحاته قاللى إنك ما بتروحش
الكنيسة ولا بتصلى .. بصراحة في الأول قلقت
منك .

محمود : الدين مش صلاة وصوم بس ياشيخ
حسن .. الدين معاملة .. الدين لازم يخلق
مساحة من الحب والتسامح والود بين الناس
وبعضاها .

بولس : يا سلام .. لو كل المصريين فكروا
زيك يا مرقص .. كانت بلدنا دى بأت أحسن بلد
في الدنيا كلها !

محمود : إحنا مشكلتنا في الصوت العالى يا
شيخ حسن .. هو اللي ح يضيع البلد دى .

بولس : طول ما اللي زى وزيك فيها عمرها ما
ح تضيع يا مرقص .

قطع



فاطمة وجرجس يتمشيان على البحر والأيدي تتلامس.

جرجس : مريم .. أنا عمرى ما عرفت الحب ده .. يعنى إيه .. طول عمرى مركز فى مذاكرتى وفى دينى وصلاتى وعلاقتى بربنا .. عمرى ما جرئت إنى أكلم واحدة .. أو يعنى .. أصل..!
 فاطمة : إنت عاوز تقول إيه يا عماد .. ما تدورش على الكلام .. قول اللي جواك .. أنا كمان جوايا حاجات كتير عاوزه أقولها لك !
 جرجس : أنا بحبك يا مريم .. بحبك قوى .. قوى!

رد فعل على وجه فاطمة قد تضرج وجهها بخجل وابتسامة رائعة وتشابك الأيدي .. ثم تبعد فاطمة يدها بنعومة .
 جرجس مبتسمًا .

ابتسامتك دى تطمئن .
 جرجس : إيه .. أطمئن؟!
 يعني إنتي رفضتى هانى جورج عشانى .
 فاطمة : لاً مش عشانك بس .
 جرجس : أمال إيه؟!
 فاطمة : عشان أنا .. ما ينفعش أتجوزه .
 جرجس : مع إنه مادياً أفضل منى .
 فاطمة : إنت مفيش حد فى الدنيا أفضل منك .
 أنا فيه حاجة عاوزه أقولها لك يا عماد .

فاطمة تومئ برأسها فى حياء جميل .

تتلاقي الأيدي مرة أخرى .

جرجس : أنا اللي عندي حاجة مهمة لازم
تعرفها وح تقرحي جداً لما تعرفها .. أنا ما
اسميش عmad.

أنا اسمى جرجس بولس ميخائيل ! أنا مسيحي
زيك يا مريم .

فاطمة : إيه ؟ !!!!!

جرجس : فيه إيه يا مريم .. مالك ١٥

فاطمة : فيه مصيبة .. فيه حرام .. أنا مسلمة
.. أنا اسمى فاطمة !

رد فعل على وجه فاطمة من هول الصدمة وكأنها
قد تلقت صفعه .. تسحب يدها بسرعة كأنها
مست ناراً .

تتجدد الدموع في عينيها وهي لا تصدق ما تسمع .

جرجس لا يستطيع أن ينطق .. عيناه تمتلان
بالدموع هو الآخر .. كل منهما ينظر نحو الآخر
نظرة مليئة بالحزن والحسرة .. ثم يفترقان على
شاطئ البحر لنرى الأمواج المتلاطمة لتعبر عما
يجيشه بصدر كل منهما .

قطع



بولس : خد دى بآه من إيدى ؟ الفص ده حلو
قوى مافيهوش شوك !

محمود : ولو فيه شوك .. من إيدك بياه زى
الملبن يا شيخ حسن !

بولس : يا سلام عليك يا مرقص .. إنت
مسيحي مثالى .. اسمع بآه .. أنا لا ح لف ولا
أدور عليك .. إنت فاهم وأنا فاهم .. إحنا يا خويا
عاوزين ناخذ بنتك لابنى !

محمود : بس .. بس يا شيخ حسن !

بولس : بس إيه ؟ العيال بيعبوا بعض ..
والموضوع خلصان من ورانا .. وإحنا عاوزين
إيه غير سعادتهم .

محمود : يا سلام يا شيخ حسن .. ده أنا أجهزها
وأؤديها له لحد بيته .. هوه أنا أطول أنا سبك
يا شيخ حسن .. بس مدام وصلنا لكده إحنا لازم
بآه نتصارح .. ولازم أقولك على كل حاجة !

بولس : أنا فاهم اللي في دماغك يا مرقص .. ما
تخافش .. أنا عندي ليك مفاجأة حلوة ح تسعدك !

محمود : وأنا كمان يا شيخ حسن عندي ليك
مفاجأة حلوة .. مفيش حاجة تستخبي عليك أبداً
بعد كده !

محمود : بآه أنا يا شيخ حسن يا خويا بصرير
العبارة كده هربان من ناس عاوزين يقتلوني !

بولس ومحمد يأكلان سمك في محل أسماك .
يمضي الجرسون .. بولس يعطيه فص سمك .

مرتبكا .
يقاطعه .

بولس : يا سلام .. شوف الدنيا .. أنا كمان هربان من ناس عاوزين يقتلوني يا مرقص !
محمود : بياه ربنا سبحانه وتعالى أراد إن إحنا الاتنين نتقابل في الشدة دي عشان نتلاقى .. واللقاء نصيب .

بولس : أيوااه .. اللقاء نصيب .. شوف يا مرقص إنت خايف بعد ما ابنيك وبنتي يتتجوزوا .. إن أحفادك يعني يطلعوا مسلمين .. لا يا مرقص .. أحفادك ح يباوا مسيحيين زى ما إنت عاوز .. أنا مش الشيخ حسن .. أنا بولس واعظ كنيسة مارى جرجس ومدرس لاهوت !

محمود يسقط من يده الطبق وزجاجة تنكسر ويصرخ في هلع :

صارخاً .

محمود : إيه ؟ إنت بتقول إيه ؟!
بولس : ما تخليش الفرحة تعمل فيك كده .. ح تلم الناس علينا يا مرقص !
محمود : أنا مش مرقص .. أنا محمود سيف الدين .
بولس : سيف الدين .. وكمان سيف الدين ؟!

رد فعل على وجه بولس . كل منهما ينظر للأخر نظرة ذات مغزى تتغير فيها الملامح والمشاعر فجأة .. ينطق علينا كل منهما بمشاعر غريبة من الكراهة .

يترك كل منهما الطعام ملقيناً بالمعلقة والفوطة في الترابية ، ثم يمضى كل منهما في اتجاه . يأتي الجرسون مسرعاً .. بعد ذهابهما .

الجرسون : الحساب !

قطع



إضاءة البيت صارت كئيبة ومظلمة .

وانقسم البيت قسمان .. صارت كل أسرة تجلس في كورنر .. محمود وزوجته ارتدت النقاب وابنته ارتدت الحجاب .

وبولس وزوجته وابنه .. في ركن آخر .. حتى تراييز الأكل انقسمت .. لا أحد عنده رغبة في الطعام .

محمود : ما تاكلني يا زينب .

زينب : مش قادرة .. مش طايقة أعيش في البيت ده يا محمود .. إنت لازم تشوف لنا شقة تانية بسرعة .

ماتيلدا : اسمع يا بولس .. إحنا لا يمكن حنبات في الشقة دى ليلة واحدة مع الناس دول .

ركن الأسرة المسيحية .

يقومان للذهاب إلى الغرفة الداخلية .

جرجس وعيناه قد امتلأت بالدموع ينظر إلى عينى فاطمة التي تظهر من خلف النقاب .. هي الأخرى غارقة في الدموع .

فاطمة هامسة له باكية وتكلم محمود .

محمود مكشراً لا يرد .

جرجس لبولس والدموع في عينيه .. يهمس له :

بولس مكشراً لا يرد .

فاطمة : الناس دول إحنا ما شفناش منهم حاجة وحشة .. وعشنا معاهem أجمل أيام .. قبلنا

على بعض ليه !؟

جرجس : راحت فين المحبة اللي كانت جواكوا .. هو كان إيه اللي حصل .. الأسماء اتغيرت تقوم القلوب كمان تتغير !

هاتيلدا : إحنا مالناش ذنب فى اللي حصل .

جرجس : هما كان مالهمش ذنب .

زينب : ذنبهم إنهم ما قالولناش الحقيقة من الأول .

محمود وفاطمة وزينب .

فاطمة : إحنا كمان خبينا عليهم يا ماما .. وما قولناش الحقيقة .

محمود مكشرًا صامتاً .

قطع



القس : فين الأمان اللي موجود في البلد .. إذا كنت أنا مش مستأمن على بيتي وعلى عرضي وعلى فلوسي .. دول بيقولوا إن أموالنا ونساءنا هم غنيمة لهم .. نخلى فلوستنا هنا ليه يأه .. يياه نطلع فلوستنا بره وقت ما نحب نمشى ونسيب البلد نلاقي حاجة نعتمد عليها .

قس يلقى وعظة في إحدى الكنائس .

قطع



الخطيب : إذا دخل عامل من عمال المسلمين سباكاً أو نقاشاً أو كهربائياً إلى شقة أحد المسيحيين وعمل بها فماله حرام .. ورزقه منهم حرام !

الكاميرا تستعرض المصليين .. والخطيب يلقى خطبة مليئة بالتطرف .

قطع



ماتيلدا : الحقيقة إنهم بيكرهونا .. إنت لسه
صغرى وما تعرفش حاجة !

جرجس : لأ يا ماما .. إنتي أول مرة في حياتك
ما تباش صح ! الناس دول إحنا حبيناهم وحبونا .

ماتيلدا : حبونا عشان كانوا فاكرينا مسلمين
زيهم !

بولس وجرجس وماتيلدا .

زينب : دول كانوا فاكرينا مسيحيين زيهم ..
لما عرفوا إن إحنا مسلمين .. الوش الثاني ظهر .
واسكتى بأه عشان أنا عارفه إنتي بتقولي
كده ليه ؟! كان يوم أسود يوم ما شفناهم !

زينب ومحمود وفاطمة .

بوعيد لفاطمة .

كل منهما يدخل إلى حجرته ويصفع الباب ..
يسود الشقة حالة من الكآبة والبرود ونسمع
صوت غلق الأبواب بالمفاتيح والترابيس .

قطع



مشهد : 128

ليل / داخلي

الكنيسة

القس : ربنا قال من لطمرك على خدك الأيمن
حول له الأيسر .. بس مش وانت ضعيف .. وانت
قوى .. لازم توريله إنك تقدر ترد عليه .. اكسر
إيده الأول وبعددين إديله خدك الأيسر .

واعظ في كنيسة .

قطع



مشهد : 129

ليل / داخلي

المسجد

الشيخ : لا تجعلوا أولادكم يصادقونهم أو يلعبون
معهم أو يأكلون معهم .. وهذا حرام .. حرام ..
حرام ! إذا كان لك جار مسيحي وحل عليه عيده
فمن الحرام أن تذهب إليه وتعيّد عليه بعيد
لا يعترف به ديننا .. الابتسامة في وجوههم
حرام .. السلام عليهم حرام .

شيخ يخطب بعصبية شديدة .

قطع

مشهد : 130

ليل / داخلي

شقة الإسكندرية ..

حجرة بولس

ماتيلدا وبولس وجرجس .

ماتيلدا : كان يوم أغبر يوم ما عرفناهم .. كان
يوم ما طلعتلوس شمس .. إحنا لازم نمشي من
البيت ده دلوقت حالاً .. جرجس روح هات عربية
ترجعنا مصر .. أنا ح أرجع بيتي فـى العباسية
ويحصل اللي يحصل .. ياللا !

جرجس يخرج .

قطع

مشهد : 131

ليل / داخلي

شقة الإسكندرية ..

حجرة محمود

زينب ومحمود وفاطمة .

فاطمة : نستنى للصبح يا ماما .
زينب : مفيش للصبح .. دلوقت حالاً .. روح
جيب عربية وح نطلع على مصر واللى يحصل
يحصل .

محمود يخرج ويغلق الباب بالمفتاح .

قطع



محمود خارجاً من العمارة .

بداية التظاهر وخروج المسيحيين من الكنيسة
وخروج المسلمين من المسجد فى حالة هياج
واضح (فتنة محرم بك) .

هتافات مختلفة من متطرفين مسيحيين
ومسلمين .

هتافات المسيحيين .

المسيحيين : بالروح بالدم نفديك يا صليب .
إحنا مضطهد़ين .. إحنا مضطهدِين .

هتافات المسلمين .

المسلمين : الله أكبر .. الله أكبر .

تدخل الهمتافات .. ويبدا العنف فى المظاهرات
.. والاشتباك .

قطع



ضرب وحرائق .. تمتد إلى الشقة وتمسّك فيها
النار .. هكذا صارت الشقة ليس بها إلا بولس ..
وماتيلدا وزينب وفاطمة .

قطع




النار تلتهم الشقة .. صرخ ماتيلدا .. وزينب
وفاطمة .. يطرقان على الباب ،
ماتيلدا تخرج بقميص النوم مذعورة ..

ماتيلدا : ياللا يا بولس .. البيت بيتحرق !
بولس ينظر نحو الشقة .
تخرج مسرعة .

بولس لا يستطيع أن يترك زينب وفاطمة وينظر
نحو الباب المغلق ، حيث زينب وفاطمة يطرقان
الباب فى هلع .. ولا يدري ماذا يفعل .. ثم يقرر
أن يفعلها .. يذهب بكل إصرار إلى الباب ويبدا
فى تكسيره محاولاً إخراجهما من بين النار
والدخان معرضًا نفسه للموت !

قطع



مشهد : 135

نهار / خارجي

أمام البيت

زحام وجمع غفير من الناس وأمن .

محمود عائدا .. يرى المشهد .

يرى ماتيلدا خارجة بقميص النوم وهى تصرخ
.. يخلع عباءته ويفطيها .

محمود : إيه اللي حصل !؟

ماتيلدا : البيت بيحرق .

محمود : وهما جوه .. فاطمة .. بنتى .. يا زينب !

محمود يحاول أن يدخل بين الناس ولا يستطيعه
.. بعضهم يمنعه .

جرجس يأتي مسرعاً جارياً فى حضن أمه .

بصعوبة شديدة نجد بولس خارجاً .. وهو يحمل
فاطمة وزينب خارجة وراءه تصرخ .

محمود يأخذ ابنته بين أحضانه .. تبدأ فاطمة
فى الإفادة تدريجياً .

محمود ينظر إلى بولس وسط الزحام الغفير
وبولس ينظر إلى محمود .

كل منهما يمد ذراعه نحو الآخر والدموع تترقرق فى
الأعين .

لا تزال الفتنة وراء الأسرتين على أشدتها ! لا نعرف
في الفتنة المسيحي من المسلم .. حالة عنف
عشواوية رهيبة .. يبدأ مشعلو الفتنة في الاعتداء
على بولس في لحظة العناق .. تنزل الضربة على
رأس بولس فيسقط !

محمود : متشرك يا بولس .. متشرك .

بولس : دى بنتى يا محمود .

فاطمة : يا بنتى يا محمود .

يحاول محمود أن يدافع عنه فيتلقى هو الآخر
ضربة على ذراعه !

جرح يدخل ويساعد محمود على النهوض،
وفاطمة تجري على بولس .

أحد المتظاهرين يشد ماتيلدا من العباءة
ليعرّبها .. زينب تجري وتحيط بها لتفطّيها ..
تعلو المعركة أكثر وأكثر .. حتى يمسك كل من
بولس ومحمود بأيديهما .

ويمسان بالأسرتين .. في تكوين واضح ..
ويحاولون الخروج بصعوبة من الأتون الملتهب ..
كل منهما يأخذ الآخر .. الأسرتان معًا ..
متحابين بعيدًا عما يحدث وراءهما من دمار
وهياج وتعصب.

قطع





أثناء تيترات النهاية

مظاهرة ضخمة يشترك فيها عدد كبير من الناس نرى الشيخ محمود مرتدًا جلباباً أبيض وطاقية .

ونرى بولس مرتدًا ملابس المسيحى .
ونرى الأسرتين متكاففتين متحدين وخلفهما الجماهير الغفيرة .

ونرى مكتوبًا على الشاشة : « الدين لله .. والوطن للجميع » .

يوسف معاطى

القاهرة
2007/10/25



كتب للمسرح والسينما والتليفزيون والإذاعة وكتب للصحافة مقالات ساخرة وأبواباً من أشهر الأبواب في الصحافة العربية.. واليوم ونحن نقدم له أعماله السينمائية في سلسلة جديدة والتي كان نجم نجوم العالم العربي الفنان القدير عادل إمام فاسماً مشتركاً معه في معظم أعماله التي أثارت الكثير من الآراء في الصحافة العالمية - بدأ بفيلم طباخ الرئيس ثم تبعه بأفلامه مع الفنان الكبير عادل إمام.

الناشر

الأعمال السينمائية

- ★ ياتحب ياتقب . ★ ح نحب ونقب. ★ الواد محروس بتاع الوزير.
- ★ التجربة الدانمركية. ★ عرييس من جهة أمنية. ★ السفاراة في العمارة.
- ★ مرجان أحمد مرجان. ★ طباخ الرئيس. ★ حسن ومرقص.

... يتناول الكتاب بعمق ودقة وموضوعية أشد تفاصيل أزمة التعايش مع الآخر تحت سقف الوطن الواحد .. وقد سار المؤلف ببراعة غير مسبوقة على خط الصراط المستقيم المشدود فوق آتون الطائفية البغيضة .. بأسلوب ذكي وكوميدي وراق .. وكيف لا يقدر على ذلك، وهو الكاتب الصحفي ، الساخر، نديم الكبار وصديق العمالقة ، صعلوك المقاھى ، لورد السفر حول العالم ، الحبيب المخلص ، والصديق الوفي ، الطفل الكبير البريء ، الحكيم البوتنقة الذي تآلفت بداخله فلسفة زکی نجيب محمود ، وفطرية بدیع خیری ، وصلکة محمود السعدنى، ونقاء الأم تریزا .. إنه يوسف معاطی ...

محمد الوھیب ۱۱

دار المعرفة البناءية

